

四庫全書

史部

欽定四庫全書

欽定大清一統志卷三百四十九

雷州府

在廣東省治西南一千四百二十里東西距一百六十里南北距三百九十五里東至

高州府吳川縣界二十里西至廉州府合浦縣界一百四十里南至瓊州府瓊山縣界一百八十里北至高州府石城縣界二百十五里東南至海岸二百里西南至瓊州府臨高縣界二百二十里東北至吳川縣界一百六十里西北至海岸二百里自府治至京師九千九百五里

分野天文牛女分野星紀之次

建置沿革禹貢揚州南境秦為象郡地漢元鼎六年

開置合浦郡治徐聞縣後漢為合浦郡地

時移郡治合浦

即今廣
州府

晉宋因之南齊仍移合浦郡來治梁普通

四年分置合州大清元年曰南合州隋平陳復曰

合州治海康縣大業初州廢仍屬合浦郡唐武德

四年復置南合州貞觀元年更名東合州八年始

改曰雷州天寶元年曰海康郡乾元元年復曰雷

州屬嶺南道五代屬南漢宋曰雷州海康郡屬廣

南西路元至元十五年置雷州路安撫司十七年

改總管府置海北海南道宣慰司隸湖廣行中書省明洪武元年改曰雷州府隸廣東布政使司

本朝因之屬廣東省領縣三

海康縣

附郭東西距九十里南北距一百五里東至高州府吳川縣界二十里西至遂溪縣

界七十里南至徐聞縣界八十里北至遂溪縣界二十五里東南至徐聞縣界一百八十里西南至

海岸一百六十里東北至遂溪縣界十五里西北至遂溪縣界六十里漢置徐聞縣為合浦郡治後

漢屬合浦郡三國吳改屬珠崖郡晉還屬合浦郡宋因之蕭齊仍為郡治梁為南合州治隋平陳改

置海康縣為合州治唐為雷州治五代宋因之遂元為雷州路治明為雷州府治本朝因之

溪縣

在府北一百八十五里東西距九十里南北距一百九十里東至高州府吳川縣界三十

里西至高州府石城縣界六十里南至海康縣界一百六十里北至石城縣界二十里東南至海岸

一百四十里西南至海岸二百里東北至吳川縣界七十里西北至石城縣界六十里漢徐聞縣地

南齊置翊沙縣榷縣隋開皇十年又分置鐵杷縣十八年改榷縣曰榷川縣大業初省以翊沙鐵杷

二縣屬合浦郡唐武德初省翊沙復置榷川與鐵杷皆屬南合州天寶元年併二縣改置遂溪縣屬

雷州五代因之宋開寶五年省入海康縣紹興十九年復置仍屬雷州元屬雷州路明屬雷州府

本朝因之徐聞縣在府南一百六十里東西距一百六十里南北距一百里東至海岸九十

里西至海岸七十里南至海岸二十里北至海岸七縣界八十里東南至海岸二十里西南至海岸七

十里東北至海岸一百里西北至海康縣界八十里漢徐聞縣地南齊置樂康縣為齊康郡治隋平陳郡廢改縣曰徐康屬合浦郡唐初屬南合州貞觀二年改曰徐聞屬雷州五代因之宋開寶五年省入海康縣乾道七年復置仍屬雷州元屬雷州路明屬雷州府本朝因之

形勢地濱炎海

樂史太平寰宇記

州居海上之極南多平田

沃壤三面並海有海道可通閩浙

宋圖經

窮東嶺而

並南海

宋張栻州學記

四州之人以徐聞為咽喉

宋蘇軾伏波將

軍廟碑

風俗州雜黎俗有官語客語黎語

官語可對州縣官言者也客語則平

日相與言也黎語氣候倍熱除夜納涼寰宇記風俗雖州人或不能辨

頗淳人多嚮學

宋余靖州學記

城池雷州府城

周五里三百步門四壕廣五丈五尺南漢時築本朝順治九年修康熙

中重修雍正中又修

遂溪縣城

周四百七十丈門三池廣四丈五尺明洪武七年築本

朝康熙中修

徐聞縣城

周六百一十丈門三池廣二丈八尺明弘治十四年築本朝

康熙中修雍正中又修

學校雷州府學

在府治西宋乾道六年遷建朝康熙中修入學額數十二名

本海

康縣學

在縣治東明弘治十七年遷建本朝康熙中修入學額數八名

遂溪縣

學

在縣治西北明洪武十七年遷建
本朝順治康熙間屢修入學額數八名

徐聞縣

學

在縣治西元至正中中隨縣治遷建
本朝康熙中修雍正中又修入學額數八名

平湖

書院

在海康縣西湖東宋郡守陳大震建又遂溪
縣有文明書院在縣西南樂氏所城內相傳

蘇軾自儋州經此云斯地當有文明之祥月餘果
有瑞芝生其地邑人因建書院於此徐聞縣有貴

生書院明萬曆十九年添註典史
湯顯祖建各縣並設有義學社學

戶口

原額人丁一萬四千七百五十四又滋生人丁
三萬三千六百七十二又屯丁八百一十四

田賦

田地七千八百四十五頃六十九畝七分一釐
零額徵銀二萬七千九百七十六兩四錢四分

零屯田一百三頃二十二畝七分九釐
零額徵米一十六百五石八斗二升零

山川虎頭山

王象之輿地紀勝在海康縣東七十里
里枕海舊志在縣東南四十五里
博

袍山

輿地紀勝在海康縣西八十里舊志
在博袍村周八里博袍水出其南
擎雷山

在海康縣南王存九域志為府治案山擎雷水出
其下寰宇記謂之擎雷山在縣南八里雷震破城

水徒會山

輿地紀勝在海康縣南一百三十里下
步村之西海中山巔有石其怪萬狀巖

穴崎嶇有
泉清冷

英高山

輿地紀勝在海康縣南一百三
十里兩峯高峭相並而作石穴

湧泉舊志謂
之英高嶺

烏蛇山

在海康縣北一百里出烏藥
里人呼藥為蛇故名縣志山

出名藥其形如
蛇又名烏蛇嶺

時禮山

輿地紀勝在海康縣東南
八十里四望之最高舊志

謂之時禮嶺周五里巖穴深
邃上有泉歲旱禱雨於此

英榜山

明統志在海
康縣西南八

里上有雷師廟舊志
在縣西本名英山

麻囊山

輿地紀勝在海康縣
東北八十里枕海

吉斗山

在海康縣西北四十里
山大而平形如盤斗

雷公山

在海康縣
西北四十

五里盤旋十餘里林木深
鬱昔有雷震此地因名

覆孟山

在遂溪縣東南
一百里周四十

里中突起一
峯如覆孟然

螺岡山

在遂溪縣西南寨宇記螺岡
在海康縣北八十里明統志

螺岡山在遂溪縣西六十里峯如螺形統志謂之
螺岡嶺在縣西南七十里多產餘甘子武樂水出焉

調樓山

在遂溪縣西南一百五十里海濱其上常有
五色光現若樓臺故名上產米榛可以充饑

潤洲山

在遂溪縣西南寨宇記雷州西至海六十
里有圓洲明統志圓洲山在遂溪縣西南

二百里海中周七十餘里舊名大蓬萊內有八
村其民專以採藥為業通之謂之潤洲山其洲

四圍皆海中有三池產珠上有溫泉泥可浣衣使白如雪明萬曆十七年以珠賦為惠增兵戍

守其陽有蛇洋洲與澗洲相對周四十里洲有山如蛇形故名亦名小蓬萊

冠頭山

明統志在徐聞縣東七十里望之若冠冕然新志謂之冠頭嶺在縣東南三十里盛產良薑

石門山

在徐聞縣西八里上有二大石儼若門闕又名石門嶺嶺際有塘秋冬不涸

小遂山

在徐聞縣南二十里突起海濱前有海嶼曰三墩中墩有龍王廟廟前有井號曰龍

泉每天旱祈雨於鹹水中取得淡水則雨立至縣志一墩有獨樹異種四時常青

尖山

在徐

聞縣北九十里一名尖山嶺於羣屯雲山在徐聞山中巍然特起其嶺有小泉極清

屯雲山

在徐聞縣東南

八十里四時常有雲屯故名

三源山

在徐聞縣東南九十里廣十餘里山麓有三源泉

石茆嶺

在海康縣東南八十五里高三十丈
有泉湧出流至連村灌田數十頃
鷓鴣

嶺

在海康縣西南四十里有五里為扎頭嶺
木棉嶺右有長牌嶺相去各一里又乾壠嶺在

縣西南一百十里遼旁嶺
在縣西南一百八十里

湖母嶺

在遂溪縣東南
七十里湖光巖

水發源於此有兩峯相抱
形如交椅又名交椅嶺

蔚律嶺

在遂溪縣東南
一百四十里海

中一名東海品廣四十里長七十里包出白鵠峇
之外中有居民五圖以魚鹽為業為東方巨鎮其

北曰東頭山其東曰調雞門洲東距吳川縣峒州
僅隔一港地勢奮趨如雞張翅故名其南曰調州

與海康之時禮嶺對峙
為雷州海舟入門之口
射馬嶺
在遂溪縣東北三
十里縣志相傳元

平章阿爾哈雅提兵過嶺試馬射箭於
此阿爾哈雅舊作阿里海牙今譯正
七星嶺
在遂

溪縣南二十五里嶺上又起七小峯形如列星又都豪嶺一名英豪嶺在縣南三十里斜離嶺一名

雷公嶺在縣觀濤嶺在徐聞東南十里里又孤起南五十里嶺在縣西南三十里俗呼麻

峯雙髻嶺在徐聞縣北五十里兩石灣嶺在徐聞縣北七

十里石壁巉岩形勢屈曲上有流泉其旁曰龍牀嶺高二十餘丈麓產良薑形如龍牀故名石

界嶺在徐聞縣東北七十里有石壁如碑兜鑿嶺高一丈餘其左為佛圖嶺周十餘里

在徐聞縣東北一百里那迢村亦名那迢嶺縣志明嘉靖四年有鳳凰集於此五石峯在海

康縣西南七十里五石圍列皆英靈岡明統志在海康縣北

高二丈中一石如案下有清泉英靈岡明統志在海康縣北五里為府治諸山相傳陳大建二年雷出於此胡英靈顯異故名通志狀如屏几一名烏卯山

光巖

在遂溪縣東南七十里湖母嶺南一名陷湖通志在開皇中地陷成湖湖有二巖如屋舊

名淨湖巖宗建炎中李綱過此改今名其在湖西絕壁中又有岩曰白雲宛若城門其前湖水澄澈

人跡罕至唐宋之末避世者多依之

思靈島

寰宇記在海康縣海中產米豈舊志在縣東十

里東洋海中又有重顏墩在縣東五里萬頃洋心

海

府東西南三面距海寰宇記雷州東至海

岸二十里渡小海抵化州界硯州泛海通恩廣等州東南一百四十里泛海入瓊州西南一百三十

里泛海至儋州西六十里至澗洲通連安南諸番國路府志東至東洋海岸二十里接高州府吳川

縣界西至澗洲海岸二百里接連州府合浦縣界南至踏磊海岸二百里接瓊州府瓊山縣界徐聞

縣志東至黃塘大海九十里西至老沙港大雙溪海八十里南至即黃大海二十里渡至澄邁

港

在海康縣東南二十里又溪泊港在縣東南四十里淡水港一名調陳港在縣東南五十里新

巷港一名調嶺港在縣東南一百里又石港一名海康港在縣西南一百四十里洪排港亦在縣西

南一百四十里房參港一名石頭港在縣西南一百五十里翁家港一名流沙港亦名老沙港在縣

西南一百六十里又南為徐聞之青銅港俱縣境海港為諸水入海所經石門港在遂

東三十里自高州府石城縣流出與吳川縣分界又南至東頭山入海亦名海頭港又平樂港在縣

東四十里又北月港在縣東南六十里舊縣港在縣東南七十里石頭港在縣東南八十里木丹港

一名庫竹港在縣東南一百里北品港在縣東南一百二十里通明港在縣東南一百四十里麻深

港一名北家港在縣東南一百六十里又南接海康東界文體港在遂溪縣西

一名抱泉港又羊脚港在縣西南五十里下落港在縣西南五十五里馬蹄港在縣西南七十里草

潭灣在縣西南九十里蠶村港一名樂民港在縣西南一百六十里調神港在縣西南一百八十里

又南十里有博里港又十里有官塢北門港在徐港又十里有調建灣接海康西界

東北一百里上為水吼灘天將雨則水鳴如吼設有錦囊所城港外有新芋島又二十里為吳家港

黃塘港在徐聞縣東南四十里稍北為崙頭港又博賒港在縣東南四十里其左為赤坎港又

白沙港在縣東南五十里其左為青麻崙港在徐灣港又博蠟港在縣東南八十里

南二十里風濤拍天舟不敢近上為博愛水相近有崙崙港又博漲港一名海安港在縣南少東二

十里又那黃港在縣西南二十里上為古源水左為西郊港又十里為三墩港又討網港在縣西南

四十里其右為麻豐港又東塲港在縣西南五十里其左為包西港又為豆港在縣西南六十里其左為八登港又青銅

擎雷水

在海康縣南寰宇記梁時移州於驚雷江

源即此輿地紀勝在縣南十里源出遂溪縣界舊志其源有三一出銅鼓村一出鷓鴣坡一出徐聞縣界三水合流經擎雷山下環繞郡治如帶東南由雙溪港入海新志水自安攬以上皆淡南渡以

下皆
潭望水

在海康縣西南六十里輿地紀勝在海康縣西南六里源出遂溪縣界舊志

又有平原水在縣西北十五里離蓮水一名
潭浪

水

在海康縣南一百二十里源出英高嶺
博袍水

又南一支曰婆陸水俱由房參港入海
博袍水

在海康縣西南一百六十里源出博袍山南又南一支曰博商水源出博袍山南五里俱西流至洪

排港入海 **鐵杷水**

在遂溪縣東南寨宇記鐵杷溪以溪中有石似鐵杷因名通志溪在湖水

巖之陽舊志在縣東南七十里源出湖母嶺南流折東由舊縣港入海

傍塘水

在遂溪縣

南一里亦名縣前河源出高州府石城縣界流經縣東南合東溪及三鴉水又東由石門港入海府

志東溪水在縣城東七十步三鴉水源出縣東南八十里本都潭大陂俱南合傍塘水

乾零

水

在遂溪縣南一百二十里一名曾家河源出博格村又名博格水東流由通明港入海

武

樂水

在遂溪縣西南七十里源出螺岡山南流轉東入海又月城水源亦出螺岡東樂合武樂

水由庫竹港入海

古源水

明統志在徐聞縣南十五里源出潭田村南流入海

廉賓

水

在徐聞縣西北四十里源出馬鞍山流合頓吞水過青銅港入海頓吞水在縣西北三十里源

出龍茅山流合康廩水

遇賢水

在徐聞縣西北六十里又南包水在縣西北七十里源俱

出雙髻嶺流至南碑鋪前合流由青銅港入海

北挿溪

在海康縣南六十里又青家溪在縣

南三十里後遮水在縣東南三十里舊志北挿溪源出石節嶺又東一支曰青家溪又東一支曰後

遮水其水俱北流變溪港入海

大水溪

在徐聞縣東十里源出龍牀嶺流經縣東二十里大

水下橋有石灘水聲驚急旋洄為潭深不可測名曰龍潭又南由海安港入海號曰靈仙鎮海灘又

有藍色溪俗名厄塞溪在縣東十里大水上橋又有葫蘆溪在縣北十里源出風流塘皆合流大水

溪

邁勝溪

在徐聞縣東四十里明統志在徐聞縣東二十里溪水清澈勝於他溪通志源

出縣東北一百里東松埠南經北賒港入海

橫山江

在遂溪縣西四十里自石城縣一里

流入由文羅湖在海康縣西興地紀勝在縣西一里今曰西湖舊志源出英靈諸岡

宋紹興間郡守何庚始築堤瀦水建東西二閘引水灌田又有南亭水在縣西南一里自南渡分支

東流至東閘石壁潭在海康縣東四十里源出時禮嶺下北流三十里石環如

壁水瀉如雷由瑞星池在海康縣南即冠萊公之故居宋天聖間有星隕於

此池故名明成化間知府魏珠池在遂溪縣西南翰鑿池於冠池西亦曰瑞星

珠母海出珠府志對樂珠池在縣西南一百五十里樂民所西海中亦名樂民池自劉銀置媚川都

宋開寶以還遂置場司或採或罷明洪武二十九

年詔採未有專官正統初始命內官傍池建廠專

守防盜成化中遷廠於城大為民害正德九年以

無珠罷採其後御史陳實奏革雷池太監總屬廉

池嘉靖八年復採都御史林富奏止之

月池

在徐聞縣南門外縣多火災且之灌溉明萬歷

二年知縣張師益鑿周二百餘丈深丈許泉清不竭回祿無患灌溉便之

鹿州

與地紀勝在海

康縣東南一百八十里海州通志謂之漣洲周五十餘里有田甚腴沃洲旁有新茅島

卯洲

輿地紀勝在海康縣西南海中舊經云羣鳥伏卯於上或船過取其卵鳥千萬飛隨十里遁志又有邵洲在縣西南一百十里海中周六千里居民皆煮海為生初為荒地有邵姓者闢而居之因名

老鴉洲

在徐聞縣西南與地紀勝抵瓊洲界

菜公井

在海康縣城外西館內相傳寇

萊公所飲元祐間重浚扁曰萊泉又樓前井在城內蘇頲瀆舊祠側宋時濬蘇蘇舊寓此有讀書樓人多慕而汲之

寧海井

在海康縣城南唐上元間浚又有石神井在縣城西宋郡守戴之邵

品水以石神為第一寧海次之

石巖井

在海康縣南一百里山下有泉周二十里人皆汲之

截其中為堰灌

田三十餘頃

玉堂井

在遂溪縣南一百三十里有泉自石湧出北流入通

明港討南井

在徐聞縣西二十里又那博井在縣北七里

古蹟徐聞故縣

今海康縣治漢置縣隋改海康為州治冢宇記朱梁開平三年嘗移州治

於驚雷江縣至劉氏偽命日却歸海康

雷川廢縣

在海康縣西隋書地理志合浦郡海

康縣大業初廢樓洛羅阿雷川三縣入焉按三縣宋齊二志俱不載疑梁陳時所置

鐵杷廢

縣

在遂溪縣東南隋置屬合浦郡李吉甫元和郡志本漢徐聞縣地隋開皇十二年嘗於此置鐵

杷縣取縣西鐵杷水為名天寶元年改曰遂溪寰宇記開寶五年併遂溪為新福鄉入海康縣輿地

紀勝紹興十九年知州王超復申置舊志廢縣在今縣東南七十里鐵杷水旁紹興中始移今治

堪川廢縣

在遂溪縣西北隋書地理志合浦郡領扇沙縣舊有堪縣開皇十八年改為堪

川大業初廢入扇沙舊志廢堪川縣在縣西北五十里有溪名堪川按舊唐志武德五年置南合

州領堪川縣則堪川在唐初復置後又併入遂溪也扇沙惟見隋志其廢置不可考

齊康廢

縣

在徐聞縣南隋書地理志合浦郡領隋康縣舊曰齊康開皇初改名隋康舊唐書地理志雷州

隋康縣貞觀二年改曰徐聞取漢故縣為名元和縣南與崖州州澄邁縣對岸相去約一百里寰宇

記徐聞縣在州南二百四十里開寶五年併為時邑鄉入海康縣輿地紀勝乾道六年知州戴之邵

申將海康縣八都撥作徐聞將隸角場作縣治因於七年復置縣志舊治本在縣西南討網村元至

元二十八年遷賓樓村明正統三年始築土城天順六年以西寇剽掠城廢因遷於海安所弘治十

四年遷還賓樓即今治
侯官故址 在徐聞縣南元今討網村有舊縣埠和志漢置左右

侯官在徐聞縣南七里積貨物於此備其北樓在所求與交易有利故諺曰欲援貧詣徐聞

治內輿地紀勝即楚閭也太守張綱
蘇公樓 明統易名明統志有楚閭樓在府城東北志在

海康縣西湖上宋蘇轍謫雷州時寓此其兄軾同時謫儋耳亦處此月餘後改為祠歲淳八年即守

陳大震遷於湖西與寇
雲章閣 明統志在府祠相對旁有遺直軒學內宋建
瑞芝

堂 在府治內明統志舊名無訟因產芝
十賢堂 明易名又百花堂在府治西偏俱宋建統

志在海康縣縣西湖旁宋咸淳間建以寇準蘇軾蘇轍秦觀李綱王巖叟任伯雨李光趙鼎胡銓十

賢為名文天祥有記又四德堂在府治東南亦咸淳間建取郡守有名蹟者張紘何庾戴之邵徐應

龍四人祀於此**思亭**在府治內宋郡守張紘建其曾孫拭有記**總宜亭**在海康縣西湖

宋郡守戴之邵建**橫舟亭**在海康縣西宋郡守陳大震建**祭海亭**在遂溪縣西南

一百八十里英靈村港口明時每歲三月六日郡守祭東海神於此**貞女臺**在徐聞縣西北

輿地紀勝雷州有貞女臺相傳昔有女子父死獨居此因名明統志在縣西北十里**蓬萊館**

在海康縣東一名光華館輿地紀勝太西館在海康縣守戴之邵常于蓬萊坊因英祿山為館

西宋寇準所居

關隘清道鎮在海康縣西南一百二十里明洪武二十七年置巡檢司今寓郡城東街舊有

黑石巡檢司在縣東南九十里亦洪
武時建崇禎三年裁今為黑石埠
湛川鎮舊在

縣西北五十里湛川村元至元三十一年設明洪
武三年遷於縣東南七十里舊縣村置巡檢司

本朝康熙五年省九年復設又潤洲巡司亦至
元時置在縣西南二百里海島中百里村今廢東

場鎮在徐聞縣西南七十里明初置巡檢司今
因之通志自此渡海抵瓊州府臨高縣寧

海鎮在徐聞縣東一百里明
初置巡檢司今因之
海康所在海康縣西

里西濱海北枕洪排港明洪武二十七年築城周
三百六十丈置千戶所本朝康熙初裁八年復

設千總
防守
樂民所
在遂溪縣西南一百六十里明洪
武二十七年築城周四百八十丈

置千戶所
本朝順治
海安所
在徐聞縣東南二
中所廢撥千總駐防

二十七年築城周四百九十四丈置千戶所天順中嘗遷縣治於此本朝改海安營設千總分防

白沙三墩臺汛
錦囊所
在徐聞縣東北一百里明洪武二十七年築城周四百六十六丈

本朝初改錦囊營設千總分防各港臺汛康熙二十四年併入海安
淡水寨
在海康縣東南

五十里淡水港口為縣咽喉要地明崇禎十年知府朱敬衡建明統志有水軍寨在城南二里宗置

屯兵以備海道又澄海牢城
冠頭寨
在徐聞縣東二營在城北亦宗置皆久廢
南九域志海

康縣有冠頭寨蓋
白鴿砦
在遂溪縣東南一百四里今縣冠頭山下
十里明隆慶中置崇禎

五年海賊劉香寇砦縣城為之戒嚴本朝康熙三年遷界廢八年復九年築土城周三百五十丈

西南二門設水
橫山堡
在遂溪縣西北六十里接師守備駐守
高州府石城縣界明正統

間置武郎場

在海康西一百三十里自廉州府合浦石康海至北泊舟北通遂溪樂民所明

初置鹽課崇禎三年裁今有武郎埠

雷陽驛

在海康縣北又舊有將軍驛在縣南六十里今

廢桐油驛

舊在遂溪縣西北三十五里桐油村元至元十七年置明初改建於城內

北街拱辰坊又城月驛在縣西南九十里城月墟明洪武九年置

沓磊驛

在徐聞縣東南

二十里海安所城中其南有沓磊浦又英和驛在縣西北八十里

津梁阜民橋

在府治東宋郡守戴之邵建相近有狀元橋宋郡守虞應龍建以文天祥作記

因通濟橋

在海康縣南三里宋建

雲津橋

在海康縣西南三十里宋嘉泰間建

長十丈惠濟橋

在海康縣西湖有二橋東橋跨東雲間西橋跨西間宋知州何庾建

梯橋

在遂溪縣東南七十里宋建

百丈橋

在遂溪縣南一百六十里特侶塘中宋紹

興中建長五十丈疊石十五通水道十四

大水上橋

在徐聞縣東十里長十五丈濶二丈

路通錦囊所又東十里有大水下橋皆元大德中建

葫蘆橋

在徐聞縣西北十里又廉賓橋

在縣西北四十里明洪武中建

南渡

在海康縣南十里即擎雷水通津瓊崖必由之路

堤堰海堤

有三一在海康縣北為北堤綿亘一萬二千一百五十二丈五尺水閘三十九所一

在海康縣南為南堤綿亘一萬三千四百四十四丈水閘六十所一在遂溪縣西約四千五百二丈水閘

六清水堰

在徐聞縣西南二十里有閘引水灌

何

公渠

在海康縣西有三渠皆宋紹興二十八年郡守何庚鑿一自西湖西閘引水由西山南流

灌白沙田一自西湖東開直下南亭漢逕通濟橋而注之東一自特侶塘建閘南流與湖水合灌縣東萬頃洋田歲久湮

戴公渠

在海康縣境有二渠皆宋乾道五年郡守

戴之即鑿一以特侶渠近山易湮於渠東四百二十步別開一渠導流而南會張熟塘水至東橋興

西湖渠水合長二千七百六十丈沿渠築堤豬水堤置八橋以通往來開八渠以分灌溉各長一千

八百丈東建萬頃閘以拒水南啟南亭閘以洩水增堤建六閘開二十四渠以沃東北上游之田各

長一千二百丈凡渠首尾悉為閘以出納一以南亭渠湮廢於西湖東鑿渠引水入城與東渠水合

灌附郭高壤田委流灌東洋田長四百二十丈俱砌以石明天順正德萬厯間皆相繼修

東溪

陂

在遂溪縣東北半里明嘉靖十年知縣張惠築灌南門西門等田又都賀陂在縣南五十八里

元縣尹都賀築
灌雲脚處等田

特侶塘

在遂溪縣南一百六十里
廣四十八頃宋紹興末郡

守何庾開渠築堤建閘灌東洋田四千頃下流與
西湖水合亦名何公渠乾道中郡守戴之邵重修

明萬厯中再修砌為十閘又
縣南一百八十里有張熟塘

龍船塘

在徐聞縣四
十里灌田

百餘頃又有邁果塘在縣東六十里積水灌田大
旱不竭又李家塘在縣東七十里灌田四百餘頃

陵墓宋蕭莞師墓

在遂溪縣南
傍塘館側

陳以鎮墓

在徐聞縣
北六十里

以鎮宗駙馬又有公
主墓在縣東三十里

明平綱墓

在徐聞縣東南灌
濤嶺下嘉靖戊申

遷於
邁亭

祠廟雷公廟

在海康縣西南八里英榜山唐國史補
雷州春夏多雷無日無之投荒錄郡南

濱大海雷聲近在蒼宇之上
寰宇記在州西南七里
伏波廟在海康縣西南

勝有威武廟祀漢兩伏波將軍邛離侯路博德
新息侯馬援明統志伏波廟在府城南三里
旌

忠祠在海康縣西與地紀勝有寇萊公廟在敬德
門外報恩寺西紹興五年賜名旌忠明統志

廟在西湖之東後郡守陳
大震合祀蘇軾蘇轍於此
忠義祠在海康縣城內
鎮定坊祀明知

縣王
顯

寺觀天寧寺在海康縣西關外唐大歷五年建舊名
報恩宗蘇軾書萬山第一四字於門李

綱趙鼎胡銓南
謫時皆寓此
廣濟寺舊名廣教寺在海康縣西
八里梁建明洪武時改今

名宗寇
準有詩
開元寺在海康縣城南調會坊唐開
元中建有石塔高五丈餘
湖光

菴

在遂溪縣湖光巖北本靈惠侯祠宋靖康有僧琮改為禪菴李綱謫雷時嘗避此

崇真

觀

在徐聞縣西

名宦宋楊維新

至道中以大子洗馬出知雷州應郡濱海無備始築子城踰年工竣紹興

八年海寇陳旺掠郡賴子城得全士民追頌其功

張紘

廣漢人至和初知雷州延見父老授

諸生條教又增治城壘闢田潄水為久遠計雷人戴之嘗作思亭於州治自為記曰政簡則身閒身

閒則心縱能無思乎名以自警

王趯

紹興中知雷州創築外城以衛子城趙鼎胡銓南謫過雷

趙皆厚待之秦檜怒坐謫全州

蘇滉

泉州德化人以張浚薦州雷州秩滿赴闕面陳三劄一折

納徐聞丁米一籍海舟以緝奸盜一戒廣西軍寨不得差人回易改知新州

李守柔

臨桂

人紹興間令海康弭盜安民時趙鼎貶雷州守柔待以故相體秦檜聞之十年不調何庾陵

人紹興中知雷州下車即請求民隱北瀕特侶塘水使之南下葉西湖水使東注開渠疏流灌東洋

田萬頃民名其戴之邵廬陵人乾道五年知雷州渠為何公渠何公渠外無堤賊潮時為

禾害之邵沿海築圩岸建橋閘以洩水并濟二渠之於塞民名為戴公堤又建郡學城南自是人文

漸盛徐應龍建寧人嘉定間知雷州為政寬厚薛直愛民如子勤農興學士民戴之

夫永嘉人嘉熙初知雷州始闢試闈修理堤防振舉廢墜需俗病不知醫專祀巫禱乃創立惠民

藥局教明李希祖河南人洪武七年通判雷州開以醫療荒田萬餘頃立社學數條教在

任數年未嘗妄辱一人秩滿去州人各餞一錢終不受陳本會稽人洪武中

盧井招撫流亡遠近歸者七百餘家卒於官囊無餘資

黃敬

天台人永樂七年知雷州府

多囚繫敬至悉為剖決獄一空在任數年民安訟息

戴浩

鄞縣人正統八年知雷州府仁恕清

勤嘗遇早祝天曰願減十年算祈降三日霖果大雨廳事產芝三莖

王麒

太和人天順中為海

康知縣時猖賊為患麒日以忠義激其民屢出擊賊斬獲無算副使毛吉壯其勇節薦於潮還雷州

府通判未聞命與賊戰於那柳村死之贈同知

黃瑜

南城人成化中知雷州府盡心撫字盜息

民安以治行高等加右參政仍蒞府事

平綱

貴州人弘治中知徐聞縣性清介而政平恕卒

於官子孫因留家焉

王鈺

山東人雷州衛指揮弘治間征信宜鈺發矢連斃數賊賊大至鈺

厲兵酣戰日暮矢盡會泥濘馬蹶中槊而死後有州指揮張熹武定人把總王道成晉江人正德時

與海賊戰死百戶吳賢恩州人陳相蘄州人正德時與山賊戰死州指揮王廷輔寧波人嘉靖時與

海賊戰死百戶潘恩合肥人王隆廬州人隆慶時與倭寇戰死王秉良西充人正

州府時守珠中官趙蘭多不法東良每與之抗民恃以安蘭誣構逮京下獄嘉靖改元御史陳實疏

革守珠中戴嘉猷續溪人正德時諫南巡下獄謫官誣始白戴嘉猷臨桂尉歷高州同知攝雷州事

不數月黜職史十餘人洪富晉江人嘉靖間知雷剷除宿弊豪猾屏跡州府副使吳玘牙卒

殺人玘欲寬之富不從爰書上帝陸瓚龍游人嘉怒易他官治之執益聖竟服辟靖間知雷

州府有清操即北有喻萃慶四川人崇禎十七年泉清列民號陸公泉遂溪知縣有政聲

大兵至與巡按王基固推官費長統同死

本朝周燦

臨潼人順治十一年任雷州府同知廉敏有材與推官趙永助單騎入山招降

山賊王翰等
陞鳳陽知府

人物南北朝宗阮謙之

徐聞人仕郡功曹遷奮威將軍元嘉初從征林邑大敗之

振旅而還其後人多居
遂溪今猶有阮家村

梁陳文玉

徐聞人涉獵書傳有才智被薦

辟為本州刺史精察吏治懷集峒落
獠蠻相繼輸款武帝降璽書褒之

宋吳國寶

海康

人紹聖中為太廟齋郎退居於家蘇轍安
置雷州特築室館之未幾坐罪無悔意

紀應炎

遂溪人寶祐進士初試登選
主簿後宰南海皆清介有聲

陳汝達

海康人隱居不仕宋亡病

將死預刻碑曰有宋陳四五公之墓
囑其子曰慎勿改也其墓在擘雷山

元吳園寶

雷州

人性孝友父喪廬墓大德八年境內蝗害稼惟國寶田無損人以為孝感陳杞

字楚材海康人

領鄉薦不仕讀書山中究性命之學遠近學者咸受業焉所居里曰義江元末盜起過其鄉相戒勿

犯明周德成

海康人洪武中以明經擢休寧令裁制如流多惠愛邑故衝四方遊者接

幹民不勝役乃自懸一車於縣強索者身代昇之後非使命至者噤不敢請在任七年以他故逮法曹民詣闕訟得還又逮至兵部民詣之如初比得白尋以病卒衆以喪還葬休寧事其妻子終身

黃本固

海康人永樂進士知馬平縣劾奏馮內侍反為所構削籍還陳貞度

漢遂

人永樂中舉人歷官御史有度潔聲人不敢干以私奏建橫山堡遂溪石城咸賴以安馮彬

字用先雷州衛人嘉靖己丑進士任平陽縣憂歸補上海俗喪多以火化有化人亭立毀之諭以禮

葵有婦美而貞姑以所私害之廉得其情按以法擢御史按廣西後補松江守民無智愚皆愛戴之

鄧鑑

徐聞人歷官侍御史秉公執法不避權貴彈劾有聲**文帶**海康人技勇絕倫天順中

率鄉勇禦獠賊戰每捷賊避其鋒後於白沙坡戰死人咸惜之今坡旁有義勇塚

柯有年

徐聞人嘉靖四年海寇至有年語其兄扶父出走以身捍賊而死鄉人祀之

本朝陳瓚

海康人康熙甲戌進士由縣令歷官福建巡撫厲清節官廚惟進瓜菜盤飭紀綱吏

畏民懷三年卒於官謚清端

流寓宋寇準

下邳人再入相為丁謂所阻乾興元年貶雷州司戶叅軍及丁謂貶崖州道經

雷準使人以一蒸羊逆境上聞家僮欲謀報仇乃杜門使毋出俟謂遠行乃止**蘇轍**眉州人哲

宗時謫化州別駕安置雷州

秦觀

高郵人紹聖中坐黨籍編管雷州

明湯顯祖

臨川人萬歷十八年抗疏陳時政謫徐聞典史

列女元王谷榮女

名妙璘海康人至元間為徭蠻所執義不受辱赴水死

朱克

彬妻周氏

海康人克彬早卒無子慮父母有他命自縊死

明吳金童妻莊

氏

海康人成化初隨夫避賊新會同傭工劉銘家銘悅其色屢誘不從乃賄鄉人梁狗謀殺其夫

於海中越三日氏心疑遍尋至海濱見一尸流岸側手足被縛乃夫也即携女赴水抱夫尸而死明

日三尸隨流繞銘門鄉人殯埋之後魏乞妻柳氏事洩有司置銘狗於法奏聞旌表

徐聞人成化元年柳年十八為徭賊所執欲犯之柳結以有銀藏井引至投井死鄭浩妻

黃氏

徐聞人浩死里豪陳某悅其姿強委禽焉黃氏不可陳乃逮其舅姑於訟黃曰天乎奸人以

吾故辱及舅姑惡用生為局戶自縊死

吳士价妻何氏

海康人年二十一士价死

食貧守節富民黃文寬謀奪其守陳大賓妻鄧氏誣訟於縣比赴縣門抽刀自刎死

徐聞人嘉靖庚申避賊匿於新倉廬賊搜出之不以刃其左臂厲聲曰吾臂可斷志不可奪賊刺其

胷而死後大賓徙居錦囊倭寇犯城亦遇賊而死

鄭三妻黃氏

徐聞人王死驗畢即

自縊黃德炫女

徐聞人許宇生員鄧宗昌未嫁而宗昌歿女服婦服比宗昌葬日自縊死

本朝鄧一柱妻莫氏

海康人夫婦守節雍正八年旌表又同邑宗繼統妻吳氏李

壯觀妻鄧氏李振宏妻吳氏並夫死守節乾隆年間旌表又王臨軒妻蔡氏守節於乾隆年間給

區又闕氏女林日旺聘妻未嫁夫死守貞終身乾隆八年旌表又考女林氏林月女也乾隆十五年

年旌表王永霖妻梁氏遂溪人夫死守節雍正十二年旌表同邑黎元煜妻林

氏陳岷妻梁氏黃鴻謨妻王氏黃常艷妻梁氏林鼎岫妻黃氏陳顯斯妻周氏並夫死守節乾隆年

間旌表又韓元伯妻陳氏鄭際盛妻阮氏梁特精妻陳氏守節乾隆年間給匾又蔡那黑蔡其昌

女未嫁拒姦不從致被慘殺乾隆二十三年旌表麥聖清妻陳氏徐聞人

戲羞忿自刎乾隆元年旌表同邑李氏女李之才妹調姦未成自縊乾隆六年旌表又陳子成

妻詹氏調姦未成自縊乾隆九年旌表又陳氏女許字何其傑其傑早死守貞終身乾隆二十三

年旌表

土產 絲

唐書地理志 雷州土貢

葛

寰宇記徐聞不宜蠶桑惟種葛莞為衣

米豆

元和

志州有米豆枝葉似柳花如烏豆一種之後數年收實寰宇記思靈島產明統志淮南子云豆之美

者有

芥禾

寰宇記州地多沙鹵禾粟春種秋收多被海雀所損相承冬耕夏收號芥禾又

云再熟

謂之芥

稻五月十一月再熟明統志

斑竹

唐書地理志雷

州土

荔枝

明統志徐聞縣出

孔雀

唐書地理志雷州土貢府志產於欽州非雷所

有

鯊魚

明統志有虎鯊鹿鯊鯪鯊三種

藥

寰宇記州產烏藥高良薑益智子海桐皮明統

志海康出百部一名婆婦草可殺蛇蚋又出浮留藤即蒟蒻也合檳榔食之辛香又名萋藤按舊

志海康縣產牛元和志項上有骨大如覆斗日行三百里爾雅所謂爆牛也府志今無謹附記

欽定大清一統志卷三百四十九

欽定四庫全書

史部

欽定大清一統志卷三百

五十五
五十二

員外郎_臣顧宗泰覆勘

總校官檢討_臣何思鈞

瓊

州


府

圖

ノ
ハ
フ
ニ
ハ
フ
ニ
ハ
フ
ニ

一

瓊州府圖





瓊州府表

<p>兩漢 三國吳晉 宋 齊梁陳隋 唐 五代 宋 元 明</p>	<table border="1"> <tr> <td data-bbox="621 134 777 188">瓊州府</td><td data-bbox="155 134 414 188">瓊山縣</td></tr> <tr> <td data-bbox="621 188 777 456"> <p>元封初置 珠崖儋耳復置珠崖 二郡復置 為合浦郡 地</p> </td><td data-bbox="155 188 414 456"></td></tr> <tr> <td data-bbox="621 456 777 551"> <p>元嘉八年 復立珠崖 郡</p> </td><td data-bbox="155 456 414 551"></td></tr> <tr> <td data-bbox="621 551 777 645"> <p>梁置崖州 開皇初置 臨振郡大 業六年改 為珠崖郡</p> </td><td data-bbox="155 551 414 645"></td></tr> <tr> <td data-bbox="621 645 777 913"> <p>武德五年 置州貞觀 五年復分 置瓊州屬 嶺南道</p> </td><td data-bbox="155 645 414 913"> <p>武德縣 開皇初置 大業六年 改置郡治 名舍城 顏初更名 顏城復省 入</p> </td></tr> <tr> <td data-bbox="621 913 777 1008"> <p>屬南漢</p> </td><td data-bbox="155 913 414 1008"> <p>舍城縣 舍城縣</p> </td></tr> <tr> <td data-bbox="621 1008 777 1102"> <p>瓊州瓊山 節度 郡靖海軍 安撫司</p> </td><td data-bbox="155 1008 414 1102"> <p>瓊山縣 照寧四年 省舍城移 治瓊山縣 末</p> </td></tr> <tr> <td data-bbox="621 1102 777 1196"> <p>乾寧軍 瓊州府 洪武二年 復州三年 初曰瓊州 天啓二年 改司屬海 北海南道</p> </td><td data-bbox="155 1102 414 1196"> <p>瓊山縣 瓊山縣 府治</p> </td></tr> </table>	瓊州府	瓊山縣	<p>元封初置 珠崖儋耳復置珠崖 二郡復置 為合浦郡 地</p>		<p>元嘉八年 復立珠崖 郡</p>		<p>梁置崖州 開皇初置 臨振郡大 業六年改 為珠崖郡</p>		<p>武德五年 置州貞觀 五年復分 置瓊州屬 嶺南道</p>	<p>武德縣 開皇初置 大業六年 改置郡治 名舍城 顏初更名 顏城復省 入</p>	<p>屬南漢</p>	<p>舍城縣 舍城縣</p>	<p>瓊州瓊山 節度 郡靖海軍 安撫司</p>	<p>瓊山縣 照寧四年 省舍城移 治瓊山縣 末</p>	<p>乾寧軍 瓊州府 洪武二年 復州三年 初曰瓊州 天啓二年 改司屬海 北海南道</p>	<p>瓊山縣 瓊山縣 府治</p>
瓊州府	瓊山縣																
<p>元封初置 珠崖儋耳復置珠崖 二郡復置 為合浦郡 地</p>																	
<p>元嘉八年 復立珠崖 郡</p>																	
<p>梁置崖州 開皇初置 臨振郡大 業六年改 為珠崖郡</p>																	
<p>武德五年 置州貞觀 五年復分 置瓊州屬 嶺南道</p>	<p>武德縣 開皇初置 大業六年 改置郡治 名舍城 顏初更名 顏城復省 入</p>																
<p>屬南漢</p>	<p>舍城縣 舍城縣</p>																
<p>瓊州瓊山 節度 郡靖海軍 安撫司</p>	<p>瓊山縣 照寧四年 省舍城移 治瓊山縣 末</p>																
<p>乾寧軍 瓊州府 洪武二年 復州三年 初曰瓊州 天啓二年 改司屬海 北海南道</p>	<p>瓊山縣 瓊山縣 府治</p>																

縣安定	縣邁澄	
<small>珠崖郡地</small>	<small>珠崖郡地</small>	<small>初置珠崖郡治潭都</small> 宋盧縣 <small>縣後改置屬合浦郡</small>
		珠官縣
		<small>廢郡屬合浦郡</small> 珠官縣 <small>更名</small>
		朱盧縣
		朱盧縣 <small>梁陳廢</small>
	<small>分置屬珠崖郡</small> 澄邁縣	
<small>瓊山縣地</small> <small>或通中普</small> <small>屬志州</small> <small>廢</small>	<small>屬珠崖州</small> 澄邁縣 <small>屬珠崖州</small>	<small>貞觀五年</small> <small>置州屬瓊南道</small> 瓊山縣 <small>貞觀五年</small> <small>置州治</small>
	<small>南漢省</small> 曾口縣 <small>屬觀中置</small>	<small>屬南漢</small> 瓊山縣
	澄邁縣 <small>屬瓊州</small>	瓊山縣 <small>從廢</small>
<small>南漢州</small> <small>至元三十一年置定</small> <small>仍為縣屬</small> <small>安縣屬瓊州</small> <small>天曆二</small>	澄邁縣 <small>屬乾寧軍州府</small>	
定安縣	澄邁縣 <small>成化初移治仍屬瓊州府</small>	澄邁縣

縣高臨	縣會樂	縣同會	縣昌文	
珠崖儋耳 二縣地	珠崖郡地	珠崖郡地	珠崖郡地	
武德五年 置臨高縣	樂會縣 顯慶五年 析文昌置 屬瓊州	樂會縣地	文昌縣 武德五年 分置平昌 縣屬崖州 貞觀初更 名	
臨高縣	樂會縣		文昌縣	
紹興初移 治仍屬瓊 州	樂會縣		文昌縣 開寶五年 改屬瓊州	
屬乾寧軍 仍屬瓊州	樂會縣 屬乾寧軍 屬瓊州府	會同縣 至元三十 年分置屬 乾寧軍	文昌縣 屬乾寧軍 屬瓊州府	年升州
屬乾寧軍 仍屬瓊州	樂會縣	會同縣	文昌縣	

欽定四庫全書	儋州	元鼎六年置儋州郡始元五年廢入珠崖									

崖州		陵水縣	
珠崖郡地		珠崖郡地	
<p>寧遠縣 大業六年 置為郡治</p>		<p>陵水縣 大業六年 置屬臨振郡</p>	
<p>寧遠縣 州治</p>		<p>陵水縣 屬振州後 屬萬安州</p>	
<p>寧遠縣 屬南漢</p>		<p>陵水縣</p>	
<p>寧遠縣 照寧六年 省紹興六</p>		<p>陵水縣 照寧七年 省元豐三 年復屬萬 安軍</p>	
<p>寧遠縣</p>		<p>陵水縣</p>	
<p>正統五年 省入州</p>		<p>陵水縣 屬萬州成 化二年移 治屬萬州</p>	

感恩

儋耳郡地

感恩縣
分置屬珠崖郡

感恩縣
屬儋州

感恩縣

感恩縣
熙寧二年
省元豐四

感恩縣

感恩縣
初屬儋州
正統五年

延德縣
大業六年
置屬珠崖郡

延德縣
屬振州

延德縣
復廢

延德縣
崇寧五年
初置大觀
分置通遠
縣政和初
俱廢入感
恩縣

臨川縣
大業六年
置屬振州

臨川縣
屬振州

臨川縣

熙寧六年
省

落屯縣
永徽初置
屬振州

南漢廢

吉陽縣
貞觀二年
置屬振州

吉陽縣

熙寧六年
廢

年復

縣

金
方
口
八
三

年
後
廣
南
寧
寧

廣
州

欽定四庫全書

欽定大清一統志卷一百五十一

瓊州府

在廣東省治西南一千七百里東西距九百七十里南北距九百九十五里東至萬州海

岸四百九十里西至儋州海岸四百八十里南至崖州海岸九百六十五里北至海岸十里東南至陵水縣海岸五百四十里西南至感恩縣海岸八百一十里東北至文昌縣海岸一百六十里西北至臨高縣海岸二百八十里自府治至京師九千七百一十五里

分野天文牛女分野星紀之次

建置沿革禹貢揚州西南徼外地

漢書賈捐之諫伐珠崖疏珠崖非禹

貢所及春秋所治

春秋戰國為揚越地秦末屬南越漢元

封元年開置珠崖儋耳二郡始元五年省儋耳郡

初元三年省珠崖郡入合浦為都尉治後漢仍屬

合浦郡三國吳赤烏五年復置珠崖郡晉平吳省

入合浦隋大業中復置珠崖郡

治義倫縣

唐武德五年

置崖州

治舍城縣

貞觀元年置都督府五年分置瓊州

治瓊山縣

天寶初改崖州曰珠崖郡瓊州曰瓊山郡乾

元初復曰崖州瓊州俱屬嶺南道貞元五年移都

督府於瓊州五代屬南漢宋開寶五年省崖州熙
寧四年移瓊州治崖州故地仍曰瓊州瓊山郡屬
廣南西路政和元年升為靖海軍節度使元初曰
瓊州至元十五年屬海北海南道天歷二年改曰
乾寧軍民安撫司明洪武初為瓊州十四年升為
府屬廣東布政使司

本朝因之屬廣東省領州三縣十

瓊山縣

附郭東西距一百五十里南北距九十里
東至文昌縣界一百里西至澄邁縣界五

十里南至定安縣界八十里北至大海十里東南至文昌縣界一百里西南至黎界一百六十里東北至文昌縣界五十里西北至海岸五十里漢初珠崖郡地後置朱盧縣屬合浦郡後漢曰朱崖縣三國吳復曰朱盧縣晉及宋齊因之梁陳時省隋初為武德縣屬朱崖郡大業六年改置舍城縣為珠崖郡治唐武德五年於縣置崖州五代因之宋開寶五年州廢屬瓊州熙寧四年省舍城移瓊山縣來治仍為瓊州治元為乾寧軍

澄邁縣

在府西六十里

治明為瓊州府治

本朝因之

東西距七十里南北距一百二十三里東至瓊山縣界十里西至臨高縣界六十里南至黎峒一百二十里北至大海三里東南至瓊山縣界七十里西南至黎界一百二十里東北至大海十里西北至大海六十里漢珠崖郡地隋分置澄邁縣屬珠崖郡唐屬崖州五代因之宋開寶五年改屬瓊州

元屬乾寧軍明屬瓊州府 本朝因之

定安縣

在府南八十里東西距八十七里南北距

二百四十里東至文昌縣界四十七里西至黎界四十里南至黎界二百三十八里北至瓊山縣界二里東南至會同縣界六十五里西南至儋州界一百十里東北至瓊山縣界十三里西北至澄邁縣界六十五里漢崖州郡地唐為瓊山縣地咸通中置忠州尋廢元至元三十一年始析置定安縣屬瓊州天歷二年升為南建州屬乾寧軍明洪武元年仍為定安縣屬瓊州府 本朝因之

文

昌縣

在府東南一百六十里東西距一百二十里南北距二百十里東至海岸六十里西至瓊

山縣界六十里南至會同縣界六十里北至海岸一百五十里東南至海岸九十里西南至定安縣界一百二十里東北至海岸一百二十里西北至海岸一百五十里漢珠崖郡地唐武德五年分置

平昌縣屬崖州貞觀元年改曰文昌宋開寶五年
改屬瓊州元屬乾寧軍明屬瓊州府本朝因之

會同縣

在府東南二百九十里東西距五十五里
南北距七十五里東至海岸三十里西至

定安縣界二十五里南至樂會縣界二十五里北
至定安縣界五十五里東南至臨高十里西南至

樂會縣界十五里東北至文昌縣界七十里西北
至定安縣界五十五里漢珠崖郡地唐宋為樂會

縣地元至元三十年分置會同縣屬
乾寧軍明屬瓊州府本朝因之樂會縣在府

三百三十里東西距二百六十里南北距四十里
東至海岸十五里西至黎界二百四十五里南至

萬州界二十五里北至會同縣界十五里東南至
海岸二十里西南至萬州界七十里東北至會同

縣界三十里西北至定安縣界四十二里漢珠崖
郡地及唐為文昌縣地顯慶五年析置樂會縣屬

瓊州五代因之宋大觀三年割屬萬安軍紹興初還屬瓊州元屬乾寧軍明屬瓊州府 本朝因之

臨高縣

在府西南一百八十里東西距一百十里南北距一百二十里東至澄邁縣界六十

里西至儋州界五十里南至黎界九十里北至大海三十里東南至定安縣界八十里西南至儋州

界七十里東北至澄邁縣界六十里西北至大海

八十五里漢珠崖儋耳二郡地唐武德五年置臨

機縣屬崖州貞觀五年改屬瓊州乾封後仍屬崖

州開元元年改曰臨高貞元七年還屬瓊州五代

宋因之元屬乾寧軍明

儋州

在府西南三百里東西距一百三十五里

屬瓊州府

本朝因之

南北距一百四十里東至黎界一百里西至海岸

三十五里南至黎界一百里北至海岸四十里東

南至黎界五十里西南至昌化縣界一百十里東

北至臨高縣界七十里西北至大海岸五十里漢

初南越地元封元年置儋耳郡始元五年併入珠
崖郡梁置崖州隋始置義倫縣大業初於縣置珠
崖郡六年改儋耳郡唐武德五年改曰儋州天寶
元年改為昌化郡乾元元年復曰儋州屬嶺南道
五代因之宋太平興國元年改縣曰宜倫熙寧六
年廢州為昌化軍屬廣南西路紹興五年廢軍以
宜倫縣隸瓊州十四年復為軍端平二年改曰南
寧軍元因之屬海北海南道明洪武二年復改為
儋州正統五年以州治宜倫縣
省入屬瓊州府本朝因之昌化縣在府西南
東西距一百十里南北距一百四十里東至黎峒
一百里西至海岸十里南至感恩縣界四十五里
北至儋州界九十五里東南至黎界六十里西南
至感恩縣界四十五里東北至儋州界五十里西
北至海岸三十里漢儋耳郡地隋分置昌化縣屬
珠崖郡唐屬儋州五代因之宋熙寧六年省入宜

倫元豐元年復置端平初屬南寧軍
萬州在府東南四百

元因之明屬瓊州府本朝因之

萬州

在府東南四百

五百里東西距二百五里南北距一百二十里東至海岸二十五里西至黎界一百八十里南至海岸二十五里北至樂會縣界九十五里東南至海岸三十里西南至陵水縣界一百里東北至海岸七十里西北至黎峒一百六十里漢珠崖郡地唐初為文昌縣地貞觀五年析置萬安縣屬瓊州十三年改屬崖州龍朔二年於縣置萬安州開元九年徙州治陵水縣天寶元年改為萬安郡至德二年載改郡縣俱曰萬全乾元元年復為萬安州仍改縣曰萬安貞元元年移州還治萬安縣屬嶺南道五代南漢改縣曰萬寧宋初曰萬安州萬安郡熙寧七年廢為萬安軍屬廣南西路紹興六年廢軍以縣屬瓊州十三年復置萬安軍仍改縣曰萬安元亦曰萬安軍屬海北海南道明洪武初改曰萬

州正統五年以州治萬安縣陵水縣在府東南五
省入屬瓊州府本朝因之百七十里東

西距九十里南北距一百五十里東至海岸三十
里西至黎峒六十里南至崖州界六十里北至萬

州界九十里東南至海岸三十里西南至崖州界
六十里東北至萬州界九十里西北至黎峒一百

三十里漢珠崖郡地隋大業六年分置陵水縣屬
臨振郡唐初屬振州龍朔中改屬萬安州開元九

年移州來治貞元元年移州治還萬安以縣屬焉
五代因之宋熙寧七年省為鎮入萬寧元豐三年

復置縣屬萬安軍紹興六年改屬瓊州府本朝因之
還屬萬安軍元因之明屬瓊州府本朝因之崖

州在府南中隔黎峒由東路至府八百七十里西
路至府九百六十五里東西距二百五十里南

北距萬州三十里東至海岸一百二十里西至海
岸九十里南至海岸二十里北至黎界一百里東

南至海岸三十里西南至海岸一百二十里東北至陵水縣界二百四十里西北至感恩縣界二百十里漢珠崖郡地隋開皇初置臨振縣大業六年置臨振郡又分置寧遠縣唐武德五年於縣置振州天寶元年改曰延德郡乾元初復置振州屬嶺南道五代因之宋開寶五年改曰崖州熙寧六年省寧遠縣又廢州為朱崖軍屬廣南西路政和七年改曰吉陽軍紹興六年又廢軍為寧遠縣屬瓊州十三年復置軍元亦曰吉陽軍屬海南海北道明洪武初復曰崖州正統五年以州治寧遠縣省入屬瓊州府

感恩縣 在府西南六百四十五里東本朝因之 西距九十五里南北距一百二十五里東至崖州界八十五里西至海岸十里南至海岸三十里北至昌化縣界九十五里東南至崖州界一百十里西南至海岸四十里東北至昌化縣界九十里西北至海岸三十里漢儋耳郡

地隋置感恩縣屬珠崖郡唐屬儋州五代因之宋
熙寧二年省入宜倫元豐四年復置南宋屬南寧
軍元因之明初屬儋州正統五年
改隸崖州屬瓊州府 本朝因之

形勢海中洲居廣袤千里

漢賈捐之傳

周迴二千里徑度

八百里

酈道元水經注

四州各占島之一隅外環大海中

盤黎峒

宋瓊管志

風俗霧露氣濕多毒草蟲蛇水土之害

漢書賈捐之傳

姓好

弓矢病無樂餌但烹犬牛祀神

樂史太平寰宇記

婦女不

事蠶桑止織吉貝

宋瓊管志

俗皆卉服

王象之輿地紀勝

地四

平歲三穫民生存古樸之風物產有瑰奇之狀

明邱

瀋賦

城池瓊州府城

周一千二百五十三丈門三池廣四丈八尺明洪武中因宋舊址增築弘

治中又於西門外增築三百丈亦闢門三嘉靖中甃石崇禎中增建東門月城本朝順治康熙間

屢修澄邁縣城周五百八十丈門三明正統中土築成化中甃石本朝順治康熙間屢

修

定安縣城

周五百二十七丈門三北臨大江東西南三面濬濠廣一丈五尺明正德

中築本朝康熙二十九年重修文昌縣城周三百五十五丈門二西南瀕溪東北無濠

明隆慶六年築本會同縣城周三百八十五丈舊朝順治康熙間屢修門四無濠明嘉靖

中土築隆慶中甃石崇禎中塞
南北二門 本朝康熙中修 樂會縣城 周三百七十二

大門三環城有濠明隆慶
中築 本朝雍正元年修 臨高縣城 周六百七丈

池北倚山岸明正統中築正德
中甃石 本朝雍正七年修 儋州城 周四百七丈

四池廣五丈明洪武中因唐宋
舊址甃石 本朝康熙中修 昌化縣城 周五百

丈門四濠廣二丈明洪武中築為千戶所城正統
中縣城圯於水寄治於此 本朝康熙三十六年

重修萬州城 周四百二十六丈門三濠廣二
丈五尺宋舊址明洪武中拓築 陵水縣

城 周三百四十四丈門四池廣二丈五尺
明永樂中築 本朝順治康熙間屢修 崖州城

周五百十三丈門三池廣一丈五尺宋慶厯中
築明洪武中拓築 本朝順治康熙間屢修 感

恩縣城

周三百五十三丈門三明正統中築
本朝康熙中修雍正十一年又修

學校瓊州府學

在府治東南宋慶厯四年建元末毀
明復重建本朝康熙中修入學額

數十名瓊山縣學

在縣治東明弘治中一年遷建
本朝康熙中屢修入學額數十五

名澄邁縣學

在縣東東宋寶祐中建本朝順
治康熙中屢修入學額數十二名定

安縣學

在縣城外東南一里元天厯二年建明永
樂二年重建本朝康熙中修入學額數

十二名文昌縣學

在縣治東明洪武八年遷建本
朝順治康熙間屢修入學額數十

二名會同縣學

在縣治東明萬厯十五年遷建
本朝康熙中修入學額數十二名樂

會縣學

在縣治東元延祐三年建本
朝康熙中門入學額數十二名臨高縣學

在縣治東明洪武三年因宋舊址建入學額數十二名

儋州學

在州城東南明正德七年

遷建本朝順治十八年重建入學額數十五名

昌化縣學

在縣治東明成化十四年

遷建入學額數八名

萬州學

在州南城外明成化八年遷建崇禎中重建入學額數十二名

陵水縣學

在縣治北本朝康熙二十三年遷建雍正七年修入學額數八名

崖州

學

在州城外西南隅本朝康熙六年遷建入學額數十二名

感恩縣學

在縣治東

宋建明初移縣治東北萬厯中遷建所本朝康熙中修入學額數八名

瓊臺書院

書院

在瓊山縣丁字街本朝康熙四十九年瓊雷道

焦映漢建闔郡生童肄業雍正乾隆年間續有整

飾有東坡書院舊在縣城北隅明天順間移於小西門外成化四年再遷於府治東今名東坡祠又

奇甸書院在城西北隅明邱濬建今為景賢祠又同文書院在府治西明成化中間今為叅將公廨又桐墩書院在縣東五里明正統中門又石湖書院在縣西西湖上嘉靖中建栗泉書院在縣北金栗泉上萬厯中建又零春書院在僑州東十里宋王霄建今并廢謹附記各州縣並設有義學社學

戶口

原額人丁十一萬八千八百四十
八又滋生人丁三千四百八十六

田賦

田地山塘共二萬九千九百七十頃二十五畝
八分零額徵地丁銀八萬五千七百七十兩三錢九

分零米九千九百七十七石六斗五升八合零
屯田一百七十八頃一十二畝五分五釐零額徵

米三千八百十一
石一斗九合零

山川
蒼屹山

在瓊山縣南二里石峰屹立水流瓊山
其下其陰有仙人洞又名紫霞洞

在府城南六十里王存九域志瓊山縣有瓊山與地紀勝引圖經云瓊山縣有瓊山白玉二村土石皆白似玉而潤種藹其上特美所產檳榔其味尤佳**西石山**在瓊山縣西四十里與地紀勝謂之馬鞍山通志西石山多石下有洞可容數百人衆出清冽西南一里有遞蓮洞自洞口入曲徑相通大小五洞甚深邃上有一門見天日**靈山**在旁一黑洞無火不能入相傳深三十餘里**靈山**在瓊山縣東南十五里舊名黑山俗名聖山自北來者渡海中洋即見之喬木蔭翳中有神祠至為顯靈

扶山

在瓊山縣東南五十里隋書地理志武德縣有扶山明統志陶公山在府城東南五十里

道書以此為第二十四福地下有巨潭水流三十曲以達於江通志山左有五巔遞相擁護故名

扶山昔有陶公開之故又名

東石山

在瓊山縣東南七十里一

陶公山山之西有蒼廵洞

名美雨嶺四畔平原中突一峯狀若交
椅舊置廵司於此又十里有了驛山
那射山

在瓊

山縣東南興地紀勝在瓊山縣之豐義山其人以
射獵為生明統志又有龍堆山在縣東南一百里

山下息石初甚小歲久漸大鄉人祀以神為神舊
志龍堆山在縣東南八十里那射都故又名那射

山分為二
雲露山

在瓊山縣西南六十里與地紀勝中有三潭上潭林木蔭翳人

不敢近次二潭有小石如橄欖有竅
可穿俗名橄欖珠歲旱禱雨多應
邁山

在澄邁縣東窠

宇記隋澄邁縣以界內邁山為名九域志縣有澄
邁山通志縣東十五里曰獨株山突起一峯若樹

株然即古澄邁山也新志獨株山在縣東十里圓
潔如珠下有泉名滴珠泉自獨株東折而南為邁

山山勢雄峻下有泉名七里泉久旱不涸
按隋名縣以澄江邁山同在境內故謂之澄邁山者似

誤
文喬山

在澄邁縣南三十里明統志中有泉俗呼龍井通志龍泉出其陽三峯在其陰

平原中連峙亦曰三峯嶺縣志下有泉五穴昔人琢石為五龍頭水從龍口噴出名龍泉**五指**

山在定安縣西南舊名黎母山宋范成大桂海虞衡志山極高常在雲霧間黎人自辨識之山水

分流四縣熟黎所居已阻且深生黎之巢外人不復有蹟黎母之巔雖生黎亦不能至輿地紀勝引圖經云島上四川以黎母山為主山特高每日辰已後雲氣收斂則一峯挿天至申酉間復蔽不見又引劉誼平黎記云天降雨山則祥光夜見望氣者謂南極星降此山或謂婺女星現化下此山因名黎婺訛為黎母有水五派流入四縣明統志黎母山在定安縣南四百里山有五峯又名五指山屹立瓊崖儋萬之間舊志又有黎母**銅鼓山**在文廟在縣西南三百里俗名光螺嶺

東六十里與地紀勝文昌縣有銅鼓嶺舊志銅鼓
山盤亘海岸半入海中有龍神春秋祀之出水
晶石燕縣志古傳諸獠鑄為鼓懸之置酒以招其
同類富家女子至則以金銀釵扣鼓留釵以答主
人若仇殺相攻則擊鼓集衆後人於此掘得故
以名山或謂鼓為伏波征交趾鑄未知孰是

狃山

在文昌縣東一百里與地紀勝其鄉之民如
猿狃山狃婦紡績吉貝布縷細密瑩白謂之

布籠

舊志又有浮山在縣東一百里屹

立

海中分潮水為東西流俗呼分洋洲**紫貝山**在

昌縣南寰宇記文昌縣有紫貝山元屬紫貝縣
舊志在縣南一里前有紫貝泉其陰有釣鼈磯**禁**

山

在文昌縣南二十里上有神
壇草木四時青茂民禁不取

玉陽山

在文昌縣
西北十里

寰宇記文昌縣有玉陽山與地紀勝在縣北二
十里通志即青山嶺林木青翠為邑之主山

抱

虎山

在文昌縣東北一百二十里輿地紀勝文昌縣有抱虎山通志山石狀如虎左山迴抱於

右故名

蒼錫山

在文昌縣西北二十里通志在玉陽山之西

焚樓山

在文昌縣

西北輿地紀勝引平黎記云漢武發兵到雷州海岸造樓船渡兵過海上岸黎人不出李將軍乃於瓊州海岸焚舟而回今號為焚樓通志在縣西北一百三十里近大海漢樓船將軍楊僕征黎至此

焚船登岸

因名七星山

在文昌縣北輿地紀勝在文昌縣界海濱狀如七星連珠明統志山

有七峯亦名七洲洋山通志在縣北一百五十里大海中上多茂林下出溪泉航海者必於此取水採薪明天啓時建塔其上其端山在會同縣北東有泉七孔晝夜混混不涸端山城跨其上

甲山

在會同縣東二十里下有清泉水流成塘少北十里有小雞山地沃可種檳榔南塘

山

在會同縣南一里拱向文廟明時改曰玉几案

白鶴山

在會同縣北十五里路通定安

又五里有水尾山七峯連抱亦名七星嶺又十里為木寨山

青晚山

在會同縣北三十里

路通文
昌定安鍾祿山

在會同縣西北三十里一名陰陽小祿山下有澗水分流灌田

山

在樂會縣寨宇記樂會縣有陰陽山縣志山即今縣治在萬全河南流馬河北兩水環抱平地

突起周七里山形奇偶相生土石相半因名寨宇記云云當時又未遷縣故也

雷撲山

在樂

會縣東二里萬全河南相傳雷擊其山石故名對峙者為印山

白石山

在樂會縣西四十里

脈自縱橫嶺綿亘而來周圍數十里高千仞其頂皆有巨石風巖水洞奇勝百出

香爐山

在樂會縣南三里一名南山秀聳特異縣治學宮皆向之迤東二里為挂榜山又東三里為虬潭嶺

金牛山

在樂會縣東南十五里接萬州郎倫山在

高縣南十六里

番豹山

在臨高縣北二十里志縣境諸黎洞皆以番豹山為

下有郎倫村

險路僅容一人

我香山

在臨高縣北二十里高嶺入毗耶雲鄉人立營其上以覘海寇

山

在臨高縣西北寰宇記廢富羅縣有毗耶山山頂有蟲似伏蛇里人以蟲為毗耶與地紀勝臨

高縣北有毗耶山神每黎人叛則神驅蜂以禦之官軍遂大破黎人通志在縣西北十里一名高山

上有吞人石其神靈能捍賊又特拔山在縣北十五里毗耶分支

黎粉山

在儋州東二十

里土白如粉寰宇**馬蝗山**

在儋州東二十里俗傳漢時曾屯兵于此後人

每抵得銅缸刁斗之屬地多鬼火陰晴出沒蓋古戰場也與地紀勝有黎郎岡在宜倫縣東三十里

疑即松林山在儋州北隋書地理志昌化縣有勝山通志儋州北二十里曰松林山即

隋志藤山也峯頂圓巒下垂八尺形如鰓魚土石五色為州主山輔龍山在儋州東北六

十里舊馬鞍山宋趙鼎南遷經此稱為松林之輔山故名俗因村名為抱社嶺沙鍋山

在儋州東南一百里生黎界狀如覆釜極高峻上有池下有澗泉甘美黎毗山在儋州西

北三十里與地紀勝存宜倫縣北六十里明統志在州西北四十里舊志與林林山斜峙下有那細

村又名黎曉山在儋州西北與地紀勝在宜倫縣那細山黎曉山西四十里又有德義山在縣西六

十里州志州西四十里曰德義山俗呼黎曉山頂有巨石鄉人以祠黎母神獅子山在儋

州西北窠宇記有獅子石在義倫縣西八十里海中形如獅子舊志獅子山在州西北五十里海中

石峯蹲峙高二十丈一名神尖山有一
石在海中名獅子唇舟過禱必應之
九峯山在昌

化縣東南六十里山有九峯盤旋百餘里通志俗
傳有峨娘生九子皆為酋長分主九峯其下峨娘

溪出
馬
大陳山在昌化縣西北十里狀如華蓋東峻
連三板山有石船石龍形甚奇險峻

靈山在昌化縣西北寰宇記有洛泊石神在縣西
北二十里石形如人著帽坐面南土人往往

祈禱蘇軾峻靈王廟碑記昌化縣西北有山秀時
海上有石巉然如人冠帽面南而坐者故里人謂

之山落膊五代有望氣者言山有寶氣上達於天
賊舟其下斲山求之夜半大風浪駕其舟空中碎

之石峯之上人皆溺死今破石猶存元豐五年詔
封山神為峻靈王與地紀勝落勝岡在縣西北二

十里明統志峻靈王在縣北十五里上有落膊岡
通志縣北十里曰朝明山瀕海一名神山巔又名

峻靈山

在萬州東二里明統志山南有高山可

僅容一人山門刻珠崖第一山五字外有盤石周

數十丈名補天石內有大雙華山

在萬州西六十

里兩峯互峙高插雲表中有田數畝井泉清冽產魚蜂鵲名馬

鷓鴣山

在萬州西一百八十里熟黎居之南即生

小南山

在萬州南二十五里高平面海其上有普

溪流繞

六連山

在萬州北通志脈自黎母山來至

州之主山州志在州北三十里內有荒田數畝麋鹿聚之名曰鹿市又有石洞如屋可容數十人

赤隴山

在萬州東南九域志萬寧縣有赤隴山與地紀勝在縣東南三十里又謂之赤龍山

明統志其土赤色故名

獨洲山

在萬州東南與地紀勝在萬寧縣東

新志在州東南六里

南五十里林木茂盛山峯挿天舊志山在海中風順半日可到周六十里又名榜山海舟多泊灣於

此南番諸國進貢博吉山在陵水縣東二里下有每視此山為準的博吉水一名大河嶺

聲山

在陵水縣東三十里寰宇記陵水縣有聲山嘗有聲如人言

小五指山

在陵

小縣西一百里生黎峒中與崖州接界脈自五指

山至此挺立數峯黎人環居其下舊志下有溫郎

嶺脚二峒明嘉靖中征黎嘗分奇兵出此

獨秀山在陵水縣西南半里一名文筆山又縣南

一里有楊梅山在陵水縣東北五十里地產楊梅

南山又東北三十里有多碌山崎嶇多

石
黎峨山

在崖州東李百四十里郡縣志在吉陽縣東七十里明統志在州東五十里中

產峨

鹿迴頭山

在崖州東一百四十里上有連珠寨宋時臨川土賊陳明甫據此東

連鸚鵡嘴山去

釣臺山

在崖州南與地紀勝有石船在南嶺之南距海數步

州一百八十里

長丈餘旁有峻嶺名試劍崖

明統志試劍峯在州

南海濱上有巨石宋知軍毛奎題小洞天三字刻

其上其南有石臨海題曰釣臺又入數步名大洞

天題曰海山奇觀旁有石梯題曰仙梯舊志州南

二十里曰釣臺山中有

石版山

在崖州東南十五里旁有橫石其平

試劍峯峯巔有石船

如版宋時知軍事

鰲山

在崖州西南十里舊名南周廊結屋其上

此以其枕海更今名通志壁立枕海為州屏障

澄其上小石邊一穴出泉曰萬仞泉清冷可愛

島山

在崖州西南寰宇記新崖州有澄島山

大雅

山

在崖州西東十里高百餘丈為縣治主山

息風山

在感恩縣東二十五里明統志在縣

東十里中有巨穴深不可測每颶風作黎人禱之則止

黎虞山

在感恩縣東祝穆方輿勝

覽在縣東五十里黎人嘗虞獵於此因名

小黎母山

在感恩縣東二百里即峨茶嶺脈自

黎母山來危峯聳起崖石崎嶇人跡罕到羣黎環居其下有巨石刻大元軍馬下營

感勞山

在感恩縣東北九域志感恩縣有感勞山明統志在縣北十里有平坡宋時大軍平黎至此秋毫

無犯土人感其德而勞之因名

九龍山

在感恩縣西北八里西枕海濱漢初九龍縣置此

瓊崖嶺

在瓊山縣南十里下有古珠崖郡城址

虎村嶺

在瓊山縣西南五十里雷

虎村一名雷虎山脈自西石山來又名波秋廟南有鴉卜洞周里餘深數丈秋潦彌月不滿其水流

為西**南岐嶺**在瓊山縣西南一百六十里中有大石盤圍十丈餘上有一小石叩之其

聲如鼓又名石鼓嶺稍南為盤塔嶺上有十三峯下有溫泉又南接生黎地**潭龍嶺**在

山縣東北二十里登絕頂可望黎母諸山下有卓錫泉**官苟嶺**在澄邁縣南

石勢東險中有石峒名大坡洞可容千人舊志明洪熙間定安黎王官苟聚衆於此因名相接者為

南黎嶺綿亘數十**大勝嶺**在澄邁縣西十里明統里皆黎人所居志以漢伏波將軍曾於

此屯兵征蠻大勝故名按輿地紀勝有萬歲岡在縣西十里頂有怪石高丈餘形如列屏號為聖

石天將雨則雲霧滃塞下有清泉蓋岡嶺相屬也**社仁嶺**在澄邁縣東南二十里鄉人立

五土神祠於上又十里有青山嶺
上有巨石附以神像禱雨輒應

合嶺

在澄邁縣東南六十

里與瓊山縣接界江水流經其中又十里有
石鼓嶺上有二石並峙叩之若鼓聲聞里許

嶺

在澄邁縣西南六十里舊志明時嘗議遷縣治於此

白石嶺

在澄邁縣西南一百二十

里上多白石故名頂有深潭泉自石
峯而下久旱石黑必雨東黎江出此

烏蓋嶺

在定安縣

東南六十里高三百丈跨居腰黃竹
二都一名居腰嶺與會同縣分界

紗帽嶺

在定安縣

東南一百五十里高千丈俱藤蘿荆棘
南為石塘嶺巔有巨石其下流水成塘

蓮本嶺

在定安縣西南十五里自西南蜿蜒過東北復峙
一小峯一名了髻嶺為縣主山又尖嶺在縣南四

十里一名李家嶺亦名文筆峯又南牛
嶺在縣南一百八十里與樂會縣分界

金雞嶺

在安

安縣西南十五里通志昔傳夜見金雞光彩燭天故名又清寧嶺在縣西南七十里一名九曲嶺

南閭嶺

在定安縣西南二百里一名三尖嶺高千餘丈連綿十餘里熟黎環居其下設有營

汛又思河嶺在縣西南三百三十里生黎居之極高峻黎人恃以為險

南來嶺

在文昌縣

南三十五里縣志又有鼓磔嶺在縣南三十里形如柱礎又縣南四十里有蓮南嶺一名沙魚港嶺

鼓樓嶺

在文昌縣西南三十里上有二石左如斗方如龜遇旱禱雨輒應

白檀嶺

在文昌縣西南六十里中多潤壑又十里有八角嶺下垂八趾向為黎砦

天塘嶺

在文昌縣

西南一百二十里有瀑布飛泉下流成塘流出會同縣界

多異嶺

在會同縣東二十里數山

相連中多怪石上有井禱雨輒應相近有何魯嶺突起高峯東有石巖可望大海名曰山海奇觀洞

西崖嶺

在會同縣西北三十里為縣主山

雙髻嶺

在樂會縣西一百二十里兩峯

挿天如雙髻然亦名黎母嶺

三山神嶺

在樂會縣東南十二里上有泉曰金牛井四時

不博教嶺

在樂會縣東北十五里其南有聖石峯屹峙博教港門相傳古時海濤洶湧沙

磧逼隘或南或北迄無定所海舟常有覆溺之患宋天聖中其石突見故名

風門嶺

在樂

會縣西南七十里跨萬州界山勢峻峭兩旁石壁如門為諸黎出入咽喉之地

縱橫嶺

在樂

會縣西少南二百四十五里脈自五指山來高挿雲霄橫亘其廣峯壑險阻黎人所居溫泉河出此

西偏嶺

在樂會縣西北十八里通志有龍見石狀如龍首山脊半里皆黑石峻增疊出若龍

鱗然黎盆水前遠之有北偏古村傍居其下舊志亦謂之北偏嶺

西岸嶺

在樂會縣西北

四十二里又八里有三道嶺突起三峯狀如盤龍下為赤萬嶺白石峯斜夾大河而峙

那盆

嶺

在臨高縣南三十里脈自五指山北來至縣界平地突起一峯狀如覆盆蜿蜒東北復起一二

峯直至瓊山縣新志有龍嶺在縣東十里脈自那盆嶺來背腰嶺一百四十里

生黎俱背山

夏沙嶺

在臨高縣東南六十里又東而居故名二十里為秋陽嶺綿亘十餘

里界接澄邁上有岡磨形若馬鞍一名馬鞍嶺大江嶺在臨高縣東南一百八十里近生黎

地大江經其下故落雲嶺在臨高縣通志在縣西名有泉水流入江南十里脈自那盆蜿蜒

而來勢不甚高將雨則雲先棲泊於此龍門嶺在儋州西北三十里海岸特起石峯兩趾

奔海其狀肖門可泊舟上有石穴中虛通海透風名曰風門內容數十人相傳昔有蛇潛其間化為

龍又名

小豸嶺

在昌化縣東五里其形如豸其下平曠土沃衆甘康熙中知縣陶元

淳嘗議遷

馬嶺

在昌化縣南三十里三峯連犢治於此延亘海濱形如天馬上有石鼓牛

標嶺

在萬州南二十里形如覆釜為州學案山一名龍標嶺

翁墳嶺

在萬州東南三

十里兩山對峙一大一小相近有樟樹嶺半枕海中峯勢陡峻前後有兩澳可以泊舟

銅鼓

嶺

在萬州西南八里平地突起二峯有祿蓋溪出此又劍門嶺在州西南十里勢如劍鋒對峙石

上鑿凌雲山三字又銅盤嶺在州西十里三峯突起勢極雄壯為銅鼓來脈

南萬嶺

在萬

州西南八十里接陵水縣界上產南柳又有青藤嶺在州西南三十里脈自南萬嶺來上產青藤

高山嶺

在萬州西北二十里一名橫柵頂上有大石出泉下有井甘冽連岐嶺在萬

州東北七十里脈自六連山來五峯疊峙下有三石室又金牛嶺在州東北一百里與樂會接界上

有井

泉

多雲嶺

在陵水縣南十里九域志陵水縣有靈山通志多雲嶺一名靈山峻拔巢

雲禱雨

多應

周錄嶺

在陵水縣東北十里為水口港關捍

牛頭嶺

在陵水縣東北

三十里臨海兩峯對峙路徑崎嶇

明萬曆四十六年修平之

郎鳳嶺

在崖州東五十里高

拔如鳳翼相近又有

南漏嶺下有南漏村

報福嶺在崖州北八十里府志遇旱土人望嶺有

白雲為雨候號靈山

雨雨畢祭之因名

迴風嶺

在崖州東北一百二十里官道旁以颶風

不過此嶺而名下

有溫水池喜思泉

透道嶺在感恩縣東北四十里黎峒中延澄江出其下

落纓嶺

在感恩縣東北九十里極峻險

鴈塔峯

在瓊山縣南三里平岡一峯尖秀如

筆水環其下宋時郡人姜唐佐始登第因名又縣西南五里有赤石岡石多赤色

落筆峯

在崖州東一百里官道北舊名落筆洞石壁峭立高數十丈上有石門中有二石形如懸筆其失水滴不斷東數十步復有一洞俯入僅容身門內有石如屏外竅通光內漸深漸暗相傳極處有井通海

灘神岡

在臨高縣東南十九里邁龍村透灘水中聳一巨石高廣二丈久旱灘響必雨

久雨灘響必晴

碗水岡

在昌化縣東九十里

抱透巖

在感恩縣東北五十里巖在小

頂寬廣如巨室黎人常藏穀帛於此

龍廊洞

在瓊山縣西石巖都東南一里洞路崎嶇由西

南入深二十丈旁有小洞十二可容數百人

魚鱗洲洞

在感恩縣北寨字記儋州有魚

鱗洲舊志明嘉靖元年賊犯昌化鹽場千戶王承祖追之至魚鱗洲通志縣北七十里

海濱突起一峯上有雲賓谷在澄邁縣西三十里

石洞重疊狀如魚鱗

雲賓谷

海濱舊志山幽地腴

昔有處士雙女嶼在陵水縣東興地紀勝陵水縣

吳濬隱此

雙女嶼

界有雙女石舊志雙女嶼在縣

東五十里大洋中兩石並峙如人周數十里上有淡水商舟往來汲之又加攝嶼在縣東四十里加

攝嶼外海中一島特立舊為木棉墩在陵水縣東

萬州南山之界亦名分界嶼

木棉墩

在陵水縣東

流墩峙其中為象石在昌化縣東南十里高十餘

縣水口之鎮

象石

丈如牛形擊之其聲如磬

仙槎石在感恩縣東十五里長百餘丈闊

仙槎石

數丈橫亘水面望之若浮槎然

石盤

在

州南十三里興地紀勝周圍數丈面平如掌不虞

加磨琢

旁有澗水可飲可濯其北有亭曰清賞

山石鼓在感恩縣北七十里廢鎮州城東河中有

山石鼓

鼓圓六尺以小石擊之聲如空甕旁有五

大石有異人 黎峒 有諸蠻環居號黎人其去省地
跡馬跡痕 遠不供賦役者號生黎耕作省地者號熟黎黎之
外始是州縣四郡各占島之一隅四郡人多黎姓
蓋其裔族而今黎族乃多姓王明萬厯中兵備林
如楚圖說瓊島東西六百餘里南北幾九百里瓊
州南五百里崖州北三百里為五指山東出風門
嶺為萬州東南出小五指為陵水西南出小五指
為崖州為感恩西出峨顯沙鍋諸嶺為昌化為儋
州迤邐而北為臨高為澄邁為瓊山北出鐵砧黎
黎諸嶺為定安為文昌支分為樂會會同環迴加
崙水蕉為水會城今十字路已下矣惟五指而南
抵崖州一路未開其中草聘喃春磨菜草提合勞
諸黎雖新招納糧向化而南愜南勞磨草磨贊番
鏡降文磨墩與崖之几陽諸岐峒絡繹二百餘里
皆人力所不至之地新通志黎為蠻之別落後漢

謂之俚人俗訛俚為黎其厯難化者為岐人即隋
所謂黎也俗訛為黎岐尤為黎所懼民皆服布如
單被穿中為貫頭男子種禾稻紵麻女子蠶織地
無馬與虎山多麋麋各以所適分隸四郡時出與
郡人互市瓊山村峒凡一百二十有五澄邁村峒
凡一百三十有七臨高村峒凡二百三十有九定
安村峒凡一百十二文昌村峒凡三十五樂會村
峒凡五十三儋州村峒凡二百二十九昌化村峒凡
三十三萬州村峒凡九十三陵水村峒凡三十崖
州村峒凡九十二感恩村峒凡四十一按黎人
自唐宋以來叛服不常元設黎兵萬戶府統十三
翼兼管民兵黎峒千百戶俱以土人為之明永樂
二年崖州監生潘隆議設撫黎知府招撫生黎村
峒授以土官宣德四年以黎人侵擾革撫黎官正
統五年併革諸土官自是悉領於郡縣萬歷三十
一年復設撫黎通判四十三年革本朝德威所

旨

將地

至黎人向化雍正八年瓊山定安陵水崖州諸生
黎二千九百四十六人相率願入版圖每丁歲納
銀二分二厘以供賦役總督郝玉麟等奏開奉
丁銀兩減去一分二釐止收一分且令有司加意
撫綏務令得所自是海府境在海島中瓊山縣北
諸黎戴德悉為良民海府境在海島中瓊山縣北
縣北三十里文昌縣東北一百二十里會同縣東
三十里樂會縣東十五里儋州西三十五里北四
十里西北五十里昌化縣西十里萬州東南二十
五里陵水縣東南三十里崖州南二十里感恩縣
西十里皆距海水經注珠崖儋耳二郡在大海之
中從徐聞對渡北風舉帆一日一夜可至寰宇記
瓊州北十五里極大海儋州北至大海三十五里
西北至大海八十五里西南至大海四十五里萬
州東至海三十里南至海四十二里新崖州南至
大海二十七里西南至大海十五里與地紀勝江

浙之間潮有定候欽廣則朔望大潮其餘日止一潮瓊海之潮則半月東流半月西流潮之大小隨

長短星不係月之盛衰

黎母江

源出定安縣西南五指山東北經臨高縣東南八十五里

為大江又東北經澄邁縣南六十里為新安江一名龍安江又東經定安縣北一里為建江又東北

經瓊山縣南六十里為白石河又東南十里為南渡江又五里為博冲河口又北經縣東由白沙港

澄江

在澄邁縣南里許有二源一出瓊山縣之海澄江在澄邁縣南里許有九曲水

過南門轉西門裏灘謂內澄江澄江一出瓊山縣虎村嶺西流繞澄邁縣南過西門為外灘謂之外

澄江二水合流由東水港入海其港在縣西北十里舊志云四時澄澈隋以名縣

浦渚江

在澄邁縣西南七十里源自西黎都來少東有浦渚江源自南黎都來皆入新安江

文昌江

在文昌縣南一南一名南橋水有二源一出邁南山一出龍塘各流至縣南合白芒水達清瀾港入

海港在縣東 **分水江** 在文昌縣西北五十里源出南三十里 瓊山縣界一水中分左黑右

白流至縣西北十五里曰逆塘溪至縣西十里曰白芒溪繞縣北至縣東十里曰下場溪又東南入

文昌 **東黎江** 在臨高縣東南六十里源出澄邁縣白石嶺流經武隴等村復出澄邁五

關村入 **縣前江** 在臨高縣南舊名抱甲江源出背大江 腰嶺經縣東北合透灘水又東北

十里曰百仞灘俗曰百人頭灘 **倫江** 在儋州北門又東北二十里至博鋪港入海 外寰宇記義

倫縣以義倫水為名九域志宜倫縣有倫江通志倫水發源黎母山續合諸水來繞城北西流十里

為大江至新英浦與新昌渡 **新昌江** 在儋州南合流會潮成港復經羊浦入 十里源出

黎洞流入新英港與倫江合又徐浦江在
州南二十里源出落窰黎洞流合新昌江
昌江在

化縣南九城昌化縣有南崖江
舊志云昌江在

縣南十里源自五指山流入縣界合峨娘溪至縣

東南分為南北二江南江西南流會潮成港名南

崖江北江自舊縣轉北出烏泥浦會潮成港入海

名北延澄江在感恩縣東北與地紀勝在縣東北

港四十里通志源出黎母山流經透道

嶺下其水澄澈又名白沙南湘江在感恩縣南三

江流經白沙會潮成港

山西南南龍江在感恩縣九城志感恩縣有滴龍

流入海江舊志源自小黎母山西流至城

西北五里曰感恩水又思河在定安縣南二百里

名縣門港西入於海源出五指山一名

多河江東流透迤數百里復東萬泉河在樂會縣

南流出樂會縣萬全河入海

五里源自定安思安南閭諸水東南流至縣西分
為二支繞縣治至雷樓山復合出博教港入海以

其納文昌會同衆水之流故名萬衆又昔人曾
此飲馬亦名飲馬河其博教港在縣東十五里

泉河

在樂會縣南十五里一名嘉廉小河源自西
黎山縱橫峒流縣南又東流至金牛嶺合龍

滾河又東北出
博教港入海

龍滾河

在萬州北八十里源出六
連山東北流至樂會縣與

溫泉

第一水

在瓊山縣西三里自山澗繞流下田
村又西一里次一澗謂之第二水皆

流入海又有學前水在縣南源出西
湖流經縣東十里東南入南渡江

透灘水

在臨
高縣

東南二十里源自那盆山流出美隴灘入縣前江
其美隴灘在縣東十里水自石巔瀉下高數尋形

如曳練下
為深潭

三江水

在文昌縣北一百二十里有三
源合流六十餘里西入鋪前港

大塘水

在會同縣南源出黎山分

黎盆水

在樂會縣西北

偏嶺下涸為龍塘港達萬泉河縣志有龍掘水在縣西北十五里兩岸高峯一水橫穿湧出深潭即

此金仙水

在萬州北九城志萬安軍西北至金仙水二十里通志金仙河在州北一里源

自高橋山澗來勢平而緩溉民田數百畝東流歷平政橋入周村港港在州東十里一名小海又二

十里為港門港又名連塘港即小海港總受周村諸水入海舊志金仙河自黎山流至州城西北十

里曰坡塘溪支分為四一由城北三里曰金仙河一由城北十里曰石狗澗又名馮吳溪一由城北

二十里曰白石溪一由城北三十里曰蓮塘溪又名小渡江皆入周村港都封水在萬

南三十里舊志踢客河源出南萬嶺上流為石龜河東流至縣西南三十里曰都封水又至城西南

十里支分為二一自銅鼓嶺下東徑城南七里曰大溪又名東渡溪又東合金仙水一流逕小南山

河又東入小海港又滿陵水在州西南大河水流

二十里源出滿陵山東北流入踢容河

水縣北一里源自五指山流經縣東二里博吉山下

縣南十陵柵水在陵水縣北九域志陵水縣有陵

志又名陵柵水舊志陵柵水在縣北十里一都龍

名大寨溝源自南邁嶺南明塘東流入海

水在陵水縣東北五十里源出縣北那亮都臨川

黎山東流由烏石都入海一名烏石澗

水在崖州東興地紀勝吉陽縣有臨川水明統志

出州東北黎峒流逕三亞村合三亞水入海其三

亞水在縣東北一百六十里源出白佛嶺流逕三

亞村合臨川水其水口
延德水
在崖州西元和志
去延德縣一里

按舊志有白沙水在州東通遠巡司之側
寧遠水
又白沙鋪西南有黎白港蓋即延德水也

在崖州北元和志去寧遠縣一里
明統志謂之大
河水源出五指山流至州城北分為二派環城而

下復合而入海舊志大河水在州北三里流至城
北分流一由城東繞近南門至州西南十五里保

平港入海一由城北遠至城西三里曰**勝橋水**
在
抱漾水又西二里至蕃坊港合流入海

州東北二百里源出黎峒洞經合口
感恩水
在感
港入海相近有高沙港亦流合焉

東北隋書地理志感恩縣取感恩水為名通志感
恩浦在縣東北七十里寬廣二十餘丈在感勞山

下按向以此水屬南龍江考龍江出自小黎母
山在縣東二百里而感勞山在縣東北七十里水

以此名非即龍江明矣

銅鈔溪

在瓊山縣東南八十里源出那射山之陽中有巨石形如

銅鈔水注其中有聲如雷西北入南渡江

南渭溪

在瓊山縣南十六里有二源一出縣

南十五里謝潭一出縣南二十里鹿潭合流十餘里東北入南渡江其水如渭之清土人呼水為淘

故名鄉人沿流築柵置車升水灌田

新田溪

在澄邁縣南六十里源自文裔山北畔嶺來又

有南坑水亦在縣南六十里源出南莊山俱流入新安江

潭覽江

在定安縣東南五里一名

廵崖溪源出李家嶺流經潭覽村又北入建江又有市場溪在縣東一里源出南曲白沙溪在縣東

七里源出白旗嶺買抄溪在縣東九里源出白沙岡俱入潭覽溪

南白溪

在定安縣西七

里一名淘白江又名祿運河源出南閭嶺屈曲北流入建江又東溪在縣東十二里一名東江源出

烏蓋嶺亦北
流入建江

黃竹溪

在文昌縣南十里又白延溪在縣西南五十里源出白檀

嶺達於縣南俱
流入文昌江

滴盆溪

在會同縣北五里源出定安縣烏蓋嶺東南流至縣

北轉西南入樂會縣萬全河又南瀾溪一名嘉積溪源自定安石塘嶺東流至嘉積都入樂會縣萬

泉河又縣西北十里有水頭溪源出白鶴山又五里有禮曹溪源出石牛村縣北二十五里有天塘

溪源出文昌縣天塘嶺皆合滴盆溪入萬泉河**峨娘溪**在昌化縣東南源

昌**神應港**

在瓊山縣北十里一名白沙口輿地紀勝瓊州白沙津番舶所聚海岸屈曲不

通大舟建炎間瓊帥王光祖欲直開一港以便商旅已開而沙復合淳熙戊申忽颶風作自沖一港

尤徑於所開者
遂名神應港

海口港

在瓊山縣北十里海口所北舊便高舶後漸淤淺

本朝乾隆九年修石礮港在澄邁縣西二十里其治東西設有砲臺源有三一曰稍陽水在

縣西南三十里一曰沙地水在縣西南四十里一曰西峯水在縣西南五十里三水俱會此港入海

凡賈人巨艦鋪前港在文昌縣西北一百五十里多泊於此水自瓊山縣流來與三江水

合流入海商船多集於此於此為縣咽喉又石欄港一名木欄港在縣北一百四十里亂石障海中

有三門甚險峻又抱陵港在縣東北七十里即銅鼓山水口抱虎港在縣東北一百里為抱虎山水

口赤水港亦在縣東北一百里為東狹山水口又長岐港在縣南五十里潮長成港退則沙坡沿岸

煮鹽歐村港在會同縣東少北四十里源自文昌白檀嶺東流流至此入海又有馮家港在

縣東北七十里灘多險石難以泊舟又調嶺港在縣東南三十里山澗有水二派成港潮長通舟潮

退沙可
博頓港
在臨高縣西五十里西岸為儋州界水自儋州來至此入海又烏石

港在縣北十五里博迷港一名博白港在縣西北二十五里黃龍港在縣西北四十里硃碌灣在縣東二十里石牌港舊名三家港在縣東北四十里馬泉港在縣東北六十里水自那虞都來流入海
田頭港
在儋州西南四十里源出落賀黎

州西南八十里源出黎母山流徑七方洞至大村分為南北二港入海又大員港在州西南一百二十里接昌化縣界源出禾
禾田港
在儋州北四十里白黎村流至大員舖入海
在州北四十里中有三十六泉潮長則巨浸瀰漫潮退則清泉湧出又黃沙港在州西北四十里相近曰南灘港州志州境凡有港十而海寇侵掠禾田為甚蓋自臨高以下惟此港可以汲水且無石

關去州治

桐樓港

在陵水縣南三十里一名鹹水港又名南山港府志明萬曆十

七年海賊李茂黨掠陵水由

桐樓港入兵備孫東陽破之

龍樓港

在崖州西五十里中有龍

樓灣旋廣二里舊志自龍樓港西三十里為羅馬

港抱水港樂羅港又西四十里為望樓港又州東

一百里有畢潭港

石排港

在感恩縣西南四十里海邊下有巨石排列灣

環海水一里許可以泊舟舊志謂之板橋港又大

南港在縣北七十里今沙湧於塞又小南港在縣

北三十里

東湖在瓊山縣東十五里又西湖一名頓產潭在縣西十五里有玉龍泉出自石竇

寒冽甘潔匯而為湖溉田千頃又南湖在縣南溉

田千餘頃又有西南湖在縣南五十里亦謂之南

湖源出虎嶺村瀦而為湖其流溢

出至縣東南入江曰博冲河口

峻靈潭

在瓊山縣城東

周二百餘丈魚味特美蓋黎母水所匯也

搏龍潭

在澄邁縣南十里源出倘驛沙吉村轉流

逕此激潑成潭相傳明景泰天順間有龍起此其水北流入澄江

鯉魚潭

在澄邁縣南五

十里山穴湧泉潑為一潭其水深碧中有異魚如鯉人取而烹之則化為水其流溢出達新安江

龍潭

在臨高縣西三十里明統志常有白龍出其

名龍塘水溢流至博白港入海又文昌縣西三十里陵水縣北一里俱有龍潭

石牛潭

在儋

州東八里水中有石如牛又天角潭在州東二十五里水深山峻明成化間有龍起此

加攝

澗在陵水縣東北三十里又田頭澗在縣東北四十里相近有楊梅澗皆源出黎山東南入海

玳瑁洲

在崖州有大小二洲大洲在州東海中小洲在州西海中又有雙洲門在州東八里

欽定四庫全書

卷三百五十一

三

雙洲對峙

龍灣

在文昌縣西八里中有龍舌洲今狀如雨扉又西十二里有黃堂灣一作黃

網魚即雨

棋子灣

在昌化縣西北與地紀勝峻靈山側有棋子灣石如棋子人取

之不得選擇取畢視之黑白相均舊在縣之西北三十里大陳山後海濱有淡泉自沙中湧出海舟

常泊五龍池

在瓊山縣西十二里有泉五派湧出清列成池流入海又先馬池在縣南

三湯泉鹽水池

在文昌縣南五十里周百餘步冬夏常溫水浮草上曬之成鹽其水

出長岐地南池

在儋州城南蘇軾有詩與地紀勝港入海又有清水池在城東四時荷花不

絕六月尤盛雙泉

在瓊山縣東北與地紀勝昔東有亭曰臨清坡寓此鑿兩井相去咫尺而異

味號雙泉後紹興間李光安置瓊州復居此舊志一在北街田墩邊一即金粟泉又名浮粟井在縣

東北里許府志又有清惠泉
在縣北五里明萬厯間鑿

惠通泉

在瓊山縣東
五十里味類

惠山泉宋元符三年蘇軾記又縣西南十
五里有玉龍泉大旱不竭郡中禱雨輒應

水曲泉

在澄邁縣南一百里四明常濕又有南
溫泉在縣南一百餘里隆冬可淪雞豚

湔滾泉

在澄邁縣西南三十里田中一穴泉湧若沸其流
為稍陽水又西有小水名那黎水又有起龍泉四
時有聲亦通稍陽水旱可禱雨又潭滂泉在縣西
十二里石坎中流出四時不竭溉田二千餘畝流

合石溜淪泉

在定安縣東南灌田四頃又大
礮港井泉亦在縣東南灌田三頃

霖泉

在臨高縣南十里俗名黑水白石孔湧出常有海
蚌上浮灌田千頃又淨覽泉一名湧泉又名靈泉
在縣西一里石泉三孔湧出不竭又澹菴泉在縣
西四十里宋胡銓南謫時常飲此後人因取其號

以為名又冷熱泉在縣西南七十里發源黎峒中討倫嶺水分冷熱

水井泉

在儋州東七里

灌田八十餘頃又德義泉在州西北德義山下灌田五十餘頃

乳泉

在儋州城南蘇軾乳泉賦

吾謫居儋耳卜築城南鄰於司命之宮百井皆鹹而醪醴漣乳獨發於宮中給吾飲食酒茗之用蓋

沛然而無窮通志乳泉井在州東南朝天宮即舊天慶觀

相泉

在儋州西與地紀勝趙丞相謫

吉陽過儋耳十五里盛夏暑渴甚鑿井數尺得泉以濟通志在州西十五里瀕海潮長則鹹退則清甘

有本泉

在萬州東十二里東山石壁下

白馬泉

在

州東一百里臨邁村

溫泉

有五十一在樂會縣西三十里泉如湯沸鄉人墜

以灌田一在樂會縣西五十里一在萬州西四十里平地湧出有五六處惟西田涌者尤熱一在陵

水縣西北五十里一在感恩縣北七十里古鎮州之西夏寒冬溫有瘋疥瘡氣浴之即愈感恩縣志

又有溫冷池在縣東十一里周蓮塘井在瓊山縣

三大餘中分兩派一溫一冷

紀勝環郡城百里絕無水惟烈村有石井諸村三

五十里盡飲焉每以葫蘆負水歸其人經月不盥

洗每取草上露濡手拭面而已遇雨則檳榔樹下溜水甕中雖久不壞明統志蓮塘井在府治西南其味甘冽環城人皆汲之新志謂之府門井清源井在定安縣東南石

灌田三頃魚爺井在文昌縣西五十里水極清冽相傳泉與海相通中有一大魚頭白俗呼

為魚爺即出水涵泓井在儋州西寰宇記儋州有涵泓井與倫水通有人以竹置井中於倫

水得之俚人呼竹為涵泓因名與地紀勝州有白馬井唐咸通中命辛傳李趙四將部兵來滿難船

過海兵馬渴甚有白馬以足飽沙美泉湧出明統志白馬井在州西南三十里通志即涵泓井也

古蹟珠崖故郡

在瓊山縣東南漢書地理志序自徐聞南入海得大洲方千里元封元年

略以為珠崖儋耳郡應劭注郡在大海中崖岸之間出真珠故曰珠崖臣瓚注引茂陵書珠崖郡治暉都去長安七千三百二十四里元帝本紀初元三年珠崖山南縣反省珠崖郡賈捐之傳珠崖儋耳郡在南方海中廣袤千里合十六縣其民自以阻絕數犯吏禁吏亦酷之率數歲一反帝用捐之言遂罷郡地理志合浦郡領朱盧縣為都尉治蓋即改故珠崖郡所置後漢志無朱盧而有珠崖縣仍屬合浦郡晉書地理志吳赤烏五年復置珠崖郡平吳後省入合浦其合浦所領有珠官縣宋書州郡志合浦領朱盧縣吳立朱崖即晉志之珠官也齊因之梁陳時朱崖縣廢隋移珠崖治義倫而

故郡廢縣志漢珠崖郡在縣東
儋耳故郡 在儋州
南三十里東潭都即故譚都縣

儋耳故郡

在西山海

經除儋國在鬱水南即儋耳也漢書地理志序元
封元年置儋耳郡昭宗初省三國吳志赤烏中陸
凱除儋耳太守蓋嘗復置尋廢也水經注引楊氏
南裔異物志曰儋耳在珠崖分為東蕃元和志隋
大業六年置儋耳郡唐武德五年改儋州治義倫
縣章懷太子曰儋耳故城即今儋州義倫縣衆字
記儋州東至樂會縣界射狼山三百二十里西至
舊振州延德縣界白沙三百四十七里東北至澄
邁縣界合橋三百七十里宋避太子諱改縣曰宜
倫輿地紀勝儋耳外城楊樸築子城儋耳婆築通
志故州治在今州西三十里高麻都海灘浦隋末
徙高坡即今治 按儋耳應劭曰其種大耳渠率
自謂王者耳尤緩下肩三寸張晏曰鑊其頬皮上
連耳匡分為數支累累下垂顏師古曰儋字本作

瞻丁甘反與地紀勝引平黎記載伏波收黎人西至一處有聃耳婦人出現號其地為聃或訛而為

儋

瓊山故城

在今瓊山縣南元和志本漢瑯瑁縣地唐貞觀五年置瓊山縣屬瓊州以

縣西六里瓊山得名寰宇記瓊州理瓊山縣開寶四年平南越割崖州之地屬瓊州舊志故縣在今

縣南六十里宋熙寧四年始移今治按漢瑯瑁縣無考晉志合浦郡有毒質縣疑即瑯瑁蓋晉亦

省珠崖入

合城故城

在瓊山縣東南元和志隋大業六年置唐書地理志隋珠

崖郡武德四年平蕭詧置崖州治合城縣新唐志以合城水為名寰宇記開寶五年廢崖州以合城

縣屬瓊州本漢暉都縣地九域志熙寧四年省入瓊山與地紀勝引圖經序云去瓊州三十里有古

崖州城又引瓊管志云在今瓊州南之諱都土人猶呼為舊崖州府志舊州在今縣南四十里濱江

築城引小溪為濠遺址尚存按寰宇記
云舊崖州在瓊州東北二百六十里疑誤
澄邁故

城寰宇記在舊崖州西九十里漢苟中縣地隋置
澄邁縣以界內邁山為名與地紀勝引圖經云

舊縣治在澄邁材後移今治明統志在府城西六
十里按九域志云縣在州西五十五里縣志云

澄水邁山四面環繞縣治宅馬元燬於寇明洪武
三年仍相舊址建設成化中邱濬以縣治海濱欲

議遷徙未果與地紀勝云後移今治亦無確據今
縣治在府西六十里與九域志所載相近疑即今

治
定安故城在今定安縣東南明統志在府城南
八十里本唐宋瓊山縣地通志元至

元三十年元帥朱斌平黎巢明年置縣治在今縣
東南南資都新寨嶺下天歷二年升南建州移治

瓊牙鄉即今治明洪武二年故南建知州王
官子廷金為亂尋勦平之因廢州復為縣
文昌

故城

在今文昌縣北唐志寰宇記在舊崖州東南一百四十里通志故縣在今縣北何恭都潭

步村元至順二年移於北山都即今治

會同故城

在今會同縣西北縣志本樂會縣黎

峒地元至元二十八年克呼濟蘇平黎始割樂會西北境置縣治在今縣西北永安都烏石碩皇慶

元年為土酋王高所燬徙於端山即今治又有故址在樂東南太平都牛斗村克呼濟蘇舊作濶

里吉思

樂會故城

在今樂會縣北宋史地理志樂會縣唐置環以黎峒寄治南管

九域志在瓊州東南一百餘里興地紀勝引瓊管志云黎人屢攻破縣遷徙不一今現治南管村通

志唐縣治黎黑村在今會同縣東南大德六年王文河

年徙調懶村在今會同縣東南大德六年王文河

臨機故城

在臨高縣東南唐初置之亂又徙萬泉渡南即今治開元初更名臨高與地

紀勝縣初治英邱紹興初遷於英村府志有臨機村在臨高縣東那虞都海邊

昌化故城

在今昌化縣東南元和志儋州昌化縣本漢至來縣地隋大業六年置寰宇記在儋州西南一百八

十里明統志在州南一百九十里有千戶所在縣北十里洪武二十五年建正統六年徙縣治千戶

所通志隋縣在今縣東南十五里舊縣村石基猶存宋移治今縣南十里南北二江間洲中明初數

羅水患正統間移治千戶所

萬安故城

在萬州北本漢紫貝

即今治其漢至來縣無考

縣地唐置萬安縣為萬安州治宋熙寧時廢州為

軍九域志北至瓊州三百八十五里西南至朱崖

軍二百九十五里興地紀勝大觀二年移軍於陵

水洞又移於容寮後移今處通志唐治通化都在

今州北今名舊

陵水故城

在今陵水縣東北隋置九域志在萬安軍西南

一百十里明統志在萬州城南六十里又有南山
守禦千戶所在縣西南通志唐初縣治陵水峒博
吉季村在今縣東北元初遷南山頭皇慶間遷龍
頭村海邊後又遷港門明洪武間築城正統間燬
遷於南山
感恩故城 即今感恩縣隋大業六年改名感
所即今治
恩取感恩水為名寰宇記縣東至儋州二百二十
五里九域志在昌縣軍西南二百七十九里明統
志在崖州西北二十里通志故縣治中和鄉
萬厯九年以其地近海口多浮沙移治縣東大坡
後以嵐瘴復
廢忠州 在定安縣西南與地紀勝唐
移還今治 咸通中辛傳趙李四將進兵
擒捉黎峒蔣璘等於其地置忠州舊
志廢忠州在縣西南黎母山峒中
廢鎮州 在感
東北宋史地理志熙寧元年置鎮州於黎母山心
倚郭縣曰鎮寧賜靜海軍額政和元年州廢以靜

海軍額歸瓊州元南寧軍記宋立鎮州隸邑三曰
龍門四達感恩隋廢入昌化縣志廢鎮州城在縣

東北七十里石城遺址名
楊文廣壩今為黎人雜處
武德廢縣在瓊山縣東南隋書

地理志珠崖郡領武德縣蓋
梁陳時廢朱盧後置唐初省
顏城廢縣在瓊山縣東二十里

舊唐書地理志武德四年崖州領顏盧縣貞觀元
年改曰顏城新唐書開元後省入舍城府志有顏

村在今縣東二十二里有
龍盧洞即顏盧故址也
中廢縣在澄邁縣志

在縣南四十
里那舍縣
曾口廢縣在澄邁縣南舊唐書地理志貞觀十三年復置瓊州

領曾口縣馬端臨文獻通考五代時省縣志
在縣南七十里曾家東都令其地名博羅村
富羅

廢縣在臨高縣北舊唐書地理志儋州領富羅縣
本隋毗善縣武德五年改名寰宇記廢富羅

縣在儋州東北一百二十里文獻通考南漢時廢
舊志富羅鄉在今縣北有故縣址在東塘都那在

村即古紫貝廢縣在文昌縣南元和志文昌本漢
富羅也紫貝縣地通志故縣在縣南紫

貝山陽今容瓊廢縣在會同縣西舊唐書地理志
地名新銜貞觀十三年瓊州領容瓊縣

貞元七年省入瓊山稟宇記廢縣在樂會縣界其
地有容瓊洞府志在舊瓊山縣東南一百五十里

應在今洛場廢縣在儋州東南舊唐書地理志儋
縣西界洛場縣乾元後置稟宇記元

縣在黎峒山心今移入州城下與地紀勝太宗
時省入宜倫州志黎中落窰峒古為洛場縣地吉

安廢縣在昌化縣北隋置屬珠崖郡唐初省入昌
化貞觀元年復置屬儋州尋省縣志今縣

東北有舊富雲廢縣在萬州西舊唐書地理志貞
縣疑是觀五年析文昌置富雲博遠

三縣屬瓊州十三年隸崖州後屬萬安州寧遠
字記二縣皆唐末廢文獻通考並南漢時省

廢縣

在崖州南隋置寧遠縣為臨振郡治唐改郡為振州寧遠字記開寶六年割舊崖州之地隸

瓊州却改振州為崖州東至陵水縣界一百六十里東北至瓊州四百五十里西北至儋州四百二

十里治寧遠縣漢臨振縣地九域志熙寧六年廢

州為朱崖軍廢縣為寧遠鎮興地紀勝政和七年

知軍吳況奏改軍為吉陽軍又併故吉陽寧遠二

縣地為寧遠縣舊志明復改軍為州省寧遠縣通

志有舊州址在今

吉陽廢縣

在崖州東元和志貞觀二年析寧遠置

州南一里水南村

字記在崖州東北九十里九域志熙寧六年廢為

鎮文獻通考今吉陽軍地乃舊吉陽縣基舊志宋

紹興六年復

臨川廢縣

在崖州東元和志本漢臨振縣地隋大業六年置唐

為縣元廢

屬振州宋屬崖州寰宇記在州落屯廢縣在崖州東南八十里文獻通考南漢省

志振州落屯縣永徽元年置在落屯洞因名寰記

記在崖州東北二百里文獻通考南漢省州志即

今黎沖落屯村在州東北一百五十里

按新唐志云天寶後置興元和志異延德廢縣

在崖州西北隋書地理志珠崖郡領延德縣元和

志本漢臨振縣地隋大業六年置唐屬振州宋屬

崖州寰宇記在州西一百四十里文獻通考南漢

時廢舊志廢縣在州西北一百五十里白沙鋪西

南按宋史地理志有延德軍崇寧五年置延德

縣於朱崖軍黃流白沙側浪之間大觀元年改為

軍又置倚郭縣曰通縣政和元年廢軍為感恩縣

隸昌化軍廢通遠縣曰通遠鎮屬朱崖軍六年復

置延德砦蓋隋置舊縣在崖西北乃南漢已廢

之延德宋置延德縣後復為砦疑即今感恩縣

九

龍廢縣

在感恩縣西北九龍山下漢儋耳郡故縣

雲海樓

在瓊山縣興地紀勝在郡

治海山樓

在瓊山縣城南宋陳瓘有詩

鑒空閣

在瓊山縣西五十里俯瞰江流

宋蘇軾

通潮閣

在澄邁縣治西宋蘇軾嘗題其上

六瑞堂

在瓊山縣南燕樓下明統志宋時嘗開雙蓮者三郡守王光祖建堂因名又與地紀

勝有平理堂燕喜堂在郡治節愛堂
超然堂在倅厰知樂堂在放生池上
載酒堂在儋州城

南儋人黎子雲之居東坡
訪之名其屋曰載酒堂

秀香堂

在儋州治北興地紀勝乃陳氏

北國李泰發
名之曰秀香

尊賢堂

在儋州治東明統志蓋蘇軾所居郡守韓景先建此以祀

軾繼美堂

在儋州治東宋知軍陳適建以其父中孚亦嘗為守故名又有堅白堂亦陳適

建李光改愛民堂在萬州治又有觀德堂在盛德

堂在崖州治內興地紀勝河東裴聞義曾守洗兵

堂在崖州西過江二里取杜甫洄酌亭在瓊山縣

上宋蘇瑞蓮亭在瓊山縣城南湄邱草亭在文昌

五十里東崑溪北邱狹而長若堤然延亘六七里

喬孫省自都御史致問漢亭在儋州北大江橋上

有湧月亭在儋州城北下臨大江宋李光凝香亭

詩在萬州治見鑑亭在萬州城東下瞰大江又有望

興地紀勝

關亭

在崖州城南十里唐李德裕為司戶時建

江亭

在崖州西元叅政王士熙謫居時建

風月臺

在瓊山縣治旁宋建

瓊臺

在瓊山縣譙樓下明統志在府治西

東坡臺

在瓊山縣

與地紀勝云在開元寺東東坡嘗寓其間

熙春臺

在儋州治東見與地紀勝又博

望臺在儋州東

北重岡之上

茉莉軒

在臨高縣治內宋胡銓有詩

居

在澄邁縣東十里地名香山

王宏誨故居

在定安縣東南李家都龍梅村

東

坡故居

在儋州城南故天慶觀側

松臺書屋

在儋州西二十里明陳瓚建

柳菴

在儋州城南旁有枕柳林宋蘇軾謫儋時結菴其下為偃息之所嘗摘葉書銘記之

田村

在瓊山縣西北一里明邱濬故居

買愁村

在臨高縣東南那盆嶺下宋胡銓謫

欽定四庫全書

欽定大清一統志

三十七

崖州經北有詩

逸賢洞

在崖州西北十里輿地紀勝胡澹菴以其地多水竹取六逸七賢之

義為

玳瑁欄

在崖州東南五十里海邊有巨石數十丈如屋宋陳明甫鑿石為欄以養

玳瑁

關隘水尾鎮

在瓊山縣水尾汛本朝雍正八年設巡檢司舊志有石山巡司在縣南七十

里明洪武中置今裁

澄邁鎮

在澄邁西北十里明洪武中置巡檢司本朝因之舊志有

免額巡司在縣南一百六十里銅鼓巡司在縣西南一百十里皆洪武中置今裁

太平鎮

在定安縣舊設青寧巡檢司在縣西馬羅市本朝康熙二十三年移置陸門市雍正八年改設太

平汛舊志有寧村巡司在縣東南六十里明洪武中置今裁

鋪前鎮

在文昌縣西北一百

五十里明洪武三年置巡檢司萬曆十七年添設參將鎮守本朝裁參將巡司如故

青藍

頭鎮

在文昌縣東少北七十里明洪武中置巡檢司本朝移於清瀾所和舍鎮在

高縣北二十里明洪武中置博鋪港巡司本朝

雍正十二年改名和舍舊志有定安巡司在縣東

三十里明洪武中置正統中省田牌薄沙鎮在僑

巡司在縣南十里亦洪武中置今裁薄沙鎮在西

南八十里明洪武中置安海巡檢司本朝雍正

八年移置薄沙汛舊志有鎮南巡司在州西南四

十里明洪武龍滾鎮在萬州黎地寶停汛本朝

中置今裁龍滾鎮雍正八年設舊有蓮塘巡司

在州東宣義都寶停鎮在陵水縣本朝雍正八

年置見與地考寶停鎮年自萬州寶停汛改歸陵

水今設有樂安鎮在崖州樂安汛舊設有抱歲巡

巡檢司檢司在州西七十里本朝雍正

正八年

永寧鎮

在崖州永寧鄉藤橋市舊有通遠

改設

鳳嶺

下即宋通遠縣地

本朝乾隆五年改設

焚樓鎮

在文昌縣西北九

城志縣有焚樓一

鎮蓋在焚樓

山下故名

藤橋鎮

在崖州東二百二十里宋置

屬吉陽軍明初置巡司今裁

海南衛

在府治西明洪

武二十五年建

清瀾所

在文昌縣東南三

十里明初置守禦

禦

千戶於縣東北青藍都萬厯九年移此築

石城周三百五十丈北至清瀾港十里

萬州所

在萬州治西

崖州所

在崖州治西明洪武

明洪武中建

崖州所

在崖州治西明洪武

水會寨

在瓊山縣西南三百里明初建大坡立營防守居

碌居林沙灣三峒萬厯二十八年設水會守禦千

戶所於水蕉村築城

海口寨

在瓊山縣北十里元

設參將鎮守城今圯

置番營明洪武中置

設參將鎮守城今圯

海口寨

在瓊山縣北十里元

置番營明洪武中置

置番營明洪武中置

置番營明洪武中置

守禦千戶所築城周五百五十丈又置遞運河泊二所今省

西峯寨

在澄邁縣西五十里

西去臨高縣七里宋政和間瓊管帥乞於澄邁置西峯寨臨高置定南寨以阻阨黎人由是道路無梗

歸姜寨

在儋州東北四十里明洪武初置巡司於此尋廢弘治中復置寨又田頭寨在

州西南四十里亦弘治中置

白沙營

在瓊山縣北十里白沙港口元置水軍鎮明初置營

於此與海口寨相為唇齒

豬母營

在樂會縣西一百五十里乃縱橫峒及定安思河光螺咽

喉之所明初置營防守

南定營

在臨高縣西南一百里舊志明萬曆十七年置於番豹山

復移居蹄村更名南略營本朝仍曰南定撥百總防守又博頓營在縣西博頓港口馬裊營在縣

東北馬裊港口俱有官兵防守

樂安營

在崖州西北一百五十里地名爛紅溝明萬曆四十

二年設築城周四百丈又樂平樂定勝橋小橋共
共五營本朝撥千總駐樂安營分守樂平營汎

撥把總駐小橋營
朗勇城在崖州東北八里黎賊
分防勝橋諸汎出沒之衝明正德中知

州陳堯恩築城
臨川鹽場在崖州東八十里即宋
城兵防守今祀臨川鎮故址又臨高縣

東五十里有三村馬裊鹽場文昌縣東五十里有
陳村樂會鹽場儋州西八里有博頻蘭馨鹽場昌

化縣南有馬嶺鹽場萬州東南三十
里有新安鹽場俱明洪武中置今裁
那拖市在澄

西南十里元設那拖浦巡司明萬
中移於縣西六十里森山市今廢
感恩柵在瓊

西北十里九域志瓊山縣有感恩
英田二柵縣志明洪武間設今廢
瓊臺驛在瓊山

北隅
明置

津梁瑞雲橋

在瓊山縣南宋建舊名紅橋長六十五丈

洗馬橋

在瓊山縣西南二里

宋建又名馭馬橋

塔橋

在澄邁縣西宋建今名博麻橋其南又有博潭橋元建皆跨潭旁水

利涉橋

在定安縣城西南本朝康熙十三年重建改名三元橋

便民橋

在文昌縣

城南一名新安橋又名下市橋

白芒橋

在文昌縣北八里明成化中建名通津橋崇禎中重

修改名後毀

本朝

平政橋

在會同縣北黎金溪明弘治十一年建後

康熙二十一年重建

臨江橋

在臨高縣東門外元建舊曰太平新改名

洗兵橋

在儋州東番洋村明成化十一年劉使涂崇征落窰洞黎屯兵於此建

掇魁

橋

在儋州東北二里跨大江明萬曆十八年知州陳節建長三十六丈萬安橋在萬

輿地紀勝有屋
三十一楹今廢

仙河橋

在萬州城北三里見輿地紀勝明統志橋東石上有

仙人

義興橋

在崖州東

集橋

在感恩縣南二十五里水自安榮都流經此入

海口渡

在瓊山縣北十里北達徐聞縣臨驛順風半日可至府志自縣北達徐聞凡

三渡曰白沙
海口烈樓

北門渡

在定安縣城北路通瓊山澄邁往來要津

馬裊渡

在臨高縣東四十里又博渡渡
在縣西四十里俱有哨船防守

堤堰牛路楊梅堤

在文昌縣西南郭外明萬歷四十五年築

苦練堤

在同縣

東二十里又縣西有關西堤端趙堤西北有牛浸
水堤北有黎埕堤嘉會堤溉田自二頃至五頃不
等

巖塘陂

在瓊山縣東南四十里高山間巖塘源
湧宋端平間鄉人於塘門築石砌陂為

堤堰延袤二百餘丈分流為二派灌田各數百頃

梁陳陂

在瓊山縣西南六十里元建明

洪武正統間重修水泉不竭又潭溪陂在縣東三十里按縣志又有橫心潭羅潭溪綠松大潭橋

冲那洋南賴等陂灌田自十頃至數十頃不等

送甲陂

在澄邁縣南六十里水自南黎都流

出逕黃竹坑入此堰水灌田五百餘頃相近有坑陂陂水自南莊山流出分田溉田千餘頃

雄

靈陂

在樂會縣東南十五里溉田數十頃相近有薄芎那陂外捍海潮內蓄水灌田數百畝又

買甲陂在縣南二十里一名桃黎陂水從龍塘溝來明正統時修築澍水溉田數十頃相近有容澤

陂一名

湍舟陂

在儋州東二十里有水泛流通大運陂江明正統中築陂溉田千餘頃又

橋頭陂在州南二十里水自沙鍋流接新昌沿江築堤灌田四百餘頃

大江陂

在儋州東

北源自沙鍋蜿蜒百餘里入海沿流兩岸皆截流
堰水灌田四千餘頃其北又有小江陂大江分流

至城東門外復接**洪口陂**在萬州西南九里元大
大江灌田百餘頃**洪口陂**德中知軍賈魯導踴容

溪為利甚遠又普禮陂在州西南三十里石絡陂
在州西二十里後朗陂在州西北五里艾索陂在

州東八里蓮塘官陂**都陂**在崖州東北十餘里水
在州東北三十里**都陂**源自北黎山出流至落

機村築陂灌田千餘頃又有柳**埋陂**在崖州南
根陂南畧陂俱在州東百里**埋陂**一里宣德

五年築灌田百餘頃又州東五里有高村**衍豐渠**
陂州西五里有石牙陂五十里有抱里陂

在萬州南十里元至正間從小南山**度靈塘**在瓊
大溪之前引水東北合大溪入海

南宋河渠志開寶八年知瓊州李易上言閩南五
里有度靈塘開修渠堰溉水田二百餘頃居民賴

之祥塘

在登蓮縣東十里水自卯夫村石澗流出達東水港宋時鄉人於此築堤堰水灌田

又龍塘在縣南七十里祿海村相傳舊有龍現於此水常清綠里人引以溉田烏陂塘在

會縣南十里水源自萬州界陵流山來注而成塘鄉人築堤為堰溉田千畝相近有龍潢塘周圍皆

山匯為巨浸又龍塘在縣西北周二百丈旁有石窟水泉溢出不竭熱水塘在崖州

周二十步水四時常熱吳家溝在萬州東南二里導祿保扶

溝在州南三里導南渡溪水灌田流入山加溪南北溝在崖州城南明正

光思鑿二溝於南北溪上流南溝延袤十五里北溝延袤五里旁通曲水亢燥之地皆成沃壤桑

茂圩壤在瓊山縣東南八里溉田八十餘頃明修屢壤本朝康熙五十一年築濠垣

三門架橋於
上蓄洩兩利

陵墓宋趙鼎墓

在昌化縣東南舊縣治東俗以為交趾王墓

元荆王子墓

在萬州東八里明統志元荆王薩敦之子至元中謫萬安軍卒葬於此薩敦舊作撒敦今改正

明唐舟墓

在瓊山縣西雲亭山

邱濬墓

在瓊山縣西五龍池

邢宥墓

在文

昌縣銅斗山

馮顥墓

在瓊山縣東南蒙山

唐胄墓

在瓊山縣東南陶公山下

海

瑞墓

在瓊山縣西濱涯

王宏誨墓

在定安縣西吉夾村

寺廟南宮廟

在瓊山縣東南與地紀勝在瓊州東南二里祝融神也瓊人祀之甚嚴今俗呼

火雷廟

天妃廟

在瓊山縣北十里海口

靈山祠

在瓊山縣東南靈山明統志所

祠之神有六曰靈山曰香山曰瓊崖曰通濟曰定邊曰班師洪武中命有司歲以三月九日祭焉

峻靈王廟

在昌化縣北峻靈山宋蘇軾撰廟碑

毘耶神祠

在臨高縣西北毘耶

山歲以八月十六日

伏波廟

有二一在瓊山縣東龍岐村一在澄邁縣

白牲致祭入祀典

東門外輟耕錄瓊州一水南北有兩伏波廟嘗考之史記及後漢書蓋漢元鼎五年衛尉路博德為

伏波將軍出桂林下邕水不特馬援為伏波將軍也

誠敬夫人廟

在儋州治南夫人先

氏隋高涼太守馮寶妻有功嶺南事詳高妙府

五賢祠

在崖州西門外祀唐李德裕宋趙鼎

胡銓元王士熙明王倬

東坡寺

在儋州東二里

海口廟

在崖州東與地紀勝去城

五里乃郡人陳縣丞革祠堂因討黎人為海公祠流矢所中而死屢有靈跡商人繪像祀之

在瓊山縣中舊城
隍廟祀明海瑞

寺觀普明寺

在瓊山縣城南元文宗未登極時嘗詣居此後建為大興龍普明祥寺學士虞

集記永慶寺

在澄邁縣東宋熙寧中建永興寺

在臨高縣西天寧

寺

有三一在瓊山縣北一里舊名天南寺宋建元初更名一在萬州西一在崖州城西俗名銅佛

寺

三山庵

在瓊山縣東五十里內有通惠泉與地紀勝昔東坡經此僧惟德以水餉馬味

類惠山因名

三清觀

在瓊山縣北宋名天瓊觀元改今名

名宦漢孫豹

會稽人父事珠崖太守武帝末為蠻所殺豹合率善人攻蠻破之討擊餘黨連

年乃平詔即以豹為太守成政大行

僮尹

丹陽人舉孝廉為郎永平中拜儋耳太守戒飭官吏

毋貪珍賂勸諭其民毋鑊面頰以
自別於雕題之俗自是蠻風日變
三國吳陸凱入

赤烏中除儋耳太守
討朱崖斬獲有功
鼎友豫章人初為郡功曹孫
權將圖朱崖諸葛恪薦

為太守詔加將軍與陸凱
同往既奏捷留友治之
唐王義方泗州連水人
太宗時賊吉

安丞吉安介蠻夷梗悍不馴義方召首領稍選生
徒為開陳經書行釋奠禮清歌吹籥登降雍容蠻

人悅
順宋李崇矩上黨人太平興國中授瓊崖儋萬
都巡檢麾下軍士悍行崇矩盡出

已財數百萬分給之眾皆感悅時黎賊
擾動崇矩單騎抵峒撫慰遂悉懷附
顏弒寧宗時人

守瓊州熙寧免役之法獨不及海外瓊民破家相
望崔與之巡朱崖時議舉行未果徵遂行之民受

其賜周廓海陵人淳熙間知吉陽軍寬平鄉
下招諭生黎歸化者五十餘峒
紀應炎

遂溪人初試澄邁主簿有置白金米中以饋者立還之塞港港募民耕田得千餘畝收其粟悉贍諸

生

明劉仕瓊

安福人洪武中以按察司僉事分司瓊州州俗獷悍凡上官至輒餽珍貨

受則喜不受則懼禍投毒盡殺之故官此者悉為所污仕瓊廉正自持有惠政雖却其餽而人不忍

害

溫祥卿

長興人洪武中為儋州知州公廉不擾專務以德化民州人懷之

李思

迪

濟南人洪武中以山西叅政謫瓊山知縣時方草創諸凡規畫舉皆中度政聲大著

王伯

貞

泰和人建文初以薦知瓊州府居數年郡中大治流民來歸者萬三千餘戶

趙謙

餘姚

人宣德初為瓊山教諭作瓊臺布學範蠻俗翕然向化莆田朱紹三山鄭尚賓鳳陽孫仲岳臨川吳

均皆自遠從遊海**黃瓊**宜興人宣德中瓊州知府南由是人文日盛**黃瓊**廉靜愛民性極嚴毅凡郡

中所產中使橫索鑑限有司弗與或行部輒遣
騎從之終不得肆惠政大行卒於官郡人祠之
楊

護

象州人成化中知臨高縣事至能燭物無遁情
訟非大事遣歸令更思多感悔中正獄無滯囚

吏不敢需
民一錢

梁儉

泰和人成化中繼楊護知臨高縣
政畧相做三年報政渡海弱馬百

姓迎女如
失父母

方向

桐城人洪治中知瓊州府歲旱徒
步數十里禱雨立應珠池內官橫

索民財向禁勿與入覲不攜一物登
舟時其僕私市一珠索而投之海

張峻

吉水人
嘉靖中

知瓊州府時征叛黎數歲軍糧皆
仰給於瓊峻調度有法民不知兵

林邦達

福清人
隆慶中

為臨高典史海賊許萬仔率倭寇攻城厲兵負土
填大橋障水灌之賊環而東併力東守賊乘夜登
城親投石殺其驍帥賊潰走斬獲
百餘人民賴保全海瑞為文叙之
賀沚
廬陵人萬

昌縣專尚德化嘗倣古常平儲穀以賑饑開玉陽書院與諸生講學陞蘇州同知去士民泣送之

李多見

仙遊人萬厯間知瓊州府黎馬屎亂討禽首惡立水會所設兵守禦歸時圖書數篋

父老贈金不受北渡至海安篋中檢得沉香立焚之士民為建燬香亭

李紹賢

清江人萬

厯初為萬州知州居官廉靜之瞿罕

黃梅人崇禎中以徵辟起知崖

州故黎崖月供官米三十石罕曰國家祿糈作何為具詳罷之時閩人林八等結崖峒黎作亂罕密

授計於樂羅民邢廣裔襲殺之賊平

本朝梅欽

宣城人順治十二年知崖州康熙元年請豁荒米軍屯米各千餘石流亡來歸在任

七年多

陶元淳

常熟人康熙三十三年知昌化縣邑再罹兵燹冊籍盡燬奸民隱佔

惠政

貧弱逃亡元淳力行清丈定為料則民復業者千餘家卒於官著南崖集四卷皆在官時為民請命所作楊廷潮州人瓊鎮左營千總隨征逆賊王之銑力戰陣亡

人物宋姜唐佐

字公弼瓊山人從蘇軾學軾重其才崇寧初以鄉薦隨過汝陽郡蘇軾亦

稱其氣和而言邁王霄

字霞舉儋州人年七十餘始應貢辟雍三年歸遂不

出李光以宿學稱之年至九十六衆推為鄉先生

陳應元

字景仁瓊山人七歲能屬文登

紹定進士初尉徐聞歷宜倫令尋改番禺李昉英徐清叟童槐李曾伯交章薦之辟倅雷州攝儋州

所至有聲學行政事為瓊士最謝明

瓊山人宋末與謝富冉安國黃之傑並從安撫趙與珞拒

元兵於白沙口被執不屈而死

元蔡徵

字希元居萬寧後遷瓊山通經史善文辭先攝郡學

元末兵起遂歸隱

纂瓊海方輿志

明莫宣寶

定安人元末文昌縣陳子瑚揭擲宣寶率

鄉兵併力戰守合境以全洪武初詔書獎諭八年

永嘉侯朱亮祖征五指山宣寶建議開十字路會

黎賊突出奮臂敵之中流

唐誼方

名遜以字行瓊山人篤學力行

矢卒太祖嘉之勅祀鄉賢

元末累辟不就洪武初舉經明行修授郡訓導永

樂間請老歸時年九十門有祖植古榕鄉里稱榕

樹公張騰鸞崖州人洪武初父為海寇所擄騰

鸞

率鄉勇奪之手及數賊竟遇害

唐舟

字汝濟瓊山人永樂進士知新建縣治尚簡易仁

宗時為監察御史疏論內侍陷黃本固等數事風

節凜然舟心事情光明與人無纖毫畛域別歷中外

餘三十年家無擔石儲年八十二卒鄉議高之

林茂森

字良才臨高人少孤事母孝甘貧力學永樂中以舉人選武宣教諭勤以課士後以

母老辭歸著有方
與儒林一覽行世
薛遠
字繼遠瓊山人正統中進士以戶部郎覈通南畿督

儲大同並著能聲以工部侍郎塞開封決河且行賑卹改戶部督兩廣兵餉成化中為南京兵部尚

書汪直諷言
官劾之罷去
邢宥
字克寬文昌人正統中進士擢監察御史景泰初治王振黨獄

督運通州糧以實宣府有能聲出按福建遼東河
南風裁皆震一時歷台州蘇州知府當官廉介後

以貪都御史巡撫應天兼理兩浙鹽政考察
屬吏奏黜不職者七十餘人居數歲引疾歸
邱濬

字仲深瓊山人景泰進士授編修時南海衛官軍
苦遠調天順七年濬奏請專防海黎賊寇上嘉納

之成化二年晉侍講與修英宗實錄或謂于謙誅
死當著其異謀濬曰己己之變徵少保國事不知

所終武臣挾怨誣之安可徇也衆乃止
侍郎掌國子監祭酒撰大學士行義補一百十卷

孝宗立表上之晉禮部尚書弘治四年晉文淵閣大學士參預機務上疏請革弊政年七十餘卒於官贈太傅謚文莊博極羣書尤熟典故性剛直與人論政必反覆辨難生平痛抑詭行之士嘗論朱子家禮最得崇本敦實之意作朱子學的二十篇入仕四十餘年家無贏餘正德中賜祠於鄉

榮瑄

瑄山人天順中與兄琇扶母避賊將見獲琇謂瑄曰並死無益吾以死衛母汝急去瑄從

之賊將殺其母琇曰貫吾母願相從遂陷賊中後琇為官軍所執將刑瑄趨至曰兄以母故陷賊今

母老恃兄為命願代死遂見殺

王佐

字汝學臨高人正統中舉人成化初授高州府同知後改

邵武臨江二府同知所至清廉慈愛始終始如一自少至老手不釋卷所著有難肘集經集目畧原

教篇瓊臺外紀
庚申錄珠崖錄

馮顥

字有孚瓊山人弘治中進士授戶部主事官符討符蛇蛇

久不克顯歷陳致變之由請用土官已廢者攻之
劉大夏奏行其策正德中勘涇王莊地清還二千

七百餘頃後改御史以事

唐胄

字平後瓊山人弘治中進士授戶部

忤劉瑾為所誣自縊死

主事疏請罷蘇州織造內臣歷官雲南副使提督
南贛巡撫山東所至有聲進戶部左侍郎世宗欲

討安南胄極言用兵非計其後卒撫定之郭勛怙
寵為其祖英請配享太廟胄疏爭不聽世宗欲以

獻王祀明堂配上帝胄又力言不可坐削籍歸胄
耿介有器識立朝執義不抗海南推為冠冕子穆

嘉靖中進士官
禮部員外郎

陳寶

字秀卿瓊山人弘治中進士
劉瑾用事家居數年瑾敗起

南京江西道御史劾罷採珠內侍趙蘭改北
御史出按徽寧諸郡歷常州知府所至有聲**韓俊**

字克彰文昌人弘治進士為刑部員外以忤劉瑾
歸瑾誅起官遷刑部郎中河南副使以廉能為天

下第
林士元

字舜卿瓊山人正德中進士授行人冊封唐藩却餽金六十鑑擢南京戶

科給事中勅光祿少卿史俊都御史汪鏐併內外不職者數十人仕路一清先後陳時務數十疏皆

極剴切擢湖廣副使轉廣西叅
鐘芳

字仲實崖州人改籍瓊山

正德中進士由編修摘寧國推官遷漳州同知有政績歷部郎為浙江提學副使崇尚名檢士風為

之一變轉廣西叅政諭降討叛屢著軍功再轉江西布政擢南太常卿晉兵部侍郎改戶部會南都

太廟災疏請修省多剴切語俄請致仕家居十餘年有干以私者謝曰吾豈晚而改節哉芳學至精

極博著有學易疑議春秋集要皇極經世圖贊古今紀要崖志畧及詩文二十卷

海瑞字汝

賢瓊山人生四歲而孤母謝氏矢志教之嘉靖己酉舉於鄉計偕伏闕上平黎策授南平教諭廣勵

學宮謁上官以師儒禮抗見遷知淳安縣轉判興國尋擢戶部主事時世宗久不視朝瑞抗疏直陳數千言世宗怒甚擲其章於地下獄論死穆宗立復官改兵部旋晉大理丞擢僉都御史撫應天豪強貪墨望風集翼吳松江暨白茆港河道久淤瑞身乘小舟督餉鉅寇日疏濬不期已告成賑活饑民數十萬戶清丈三吳田悉奪豪右授獻者還之民遂構蜚語解官里居十五年至萬厯乙酉起南僉都晉右都御史掌南院議革諸司冗役冗費以身矯物百吏震肅卒於任贈太子少保謚忠介自號剛峯天下稱剛峯先生

王宏誨
字紹傳定安人嘉靖進士選庶吉士海瑞以直諫被逮宏誨極力調護及張居正周事宏誨作火樹篇春篇歌諷之累陞至南京禮部尚書上疏請建儲朝講等六事因病乞休致仕

王盤
瓊山人隆慶中其母為賊所擄盤多方丐貲以贖僅得免賊繼

至責如前盤無以應願
已死易母賊起兩殺之
梁雲龍字會可瓊山人萬

主事歷任副使兵備莊浪中蜚語解職尋叙前後
邊功復官進布政司陞湖廣巡撫卒官子思泰天

啟中副榜為貴陽同知督
餉征黔寇死難謚忠烈

流寓唐李德裕

趙都人宣宗朝白敏中排之累貶崖
州司戶次年卒愍宗朝復贈左僕射

宋蘇軾

眉山人紹聖間連貶瓊州別駕居昌化軍
僦官屋有司不可乃寓城東天慶觀結屋

以居僦人運畚土土助之獨與幼子過
著書為樂時時從父老遊若將終身
任伯雨眉

人徽宗朝居諫省半歲所上一百八疏
崇寧黨禍作屢徙昌化軍三年釋歸
曲端鎮戎

炎中烏珠窺江淮張浚議出師端曰宜訓兵秣馬
俟之浚不悅罷端兵柄與祠再責海州團練使萬

州安置烏珠舊趙鼎聞喜人以故相謫吉陽軍
作几木令改正三年潛居深處門人故吏

不敢通問惟廣西帥張宗元時饋醪米秦檜聞之
命本軍月具存亡狀鼎乃自書墓中石記鄉里及

除歲月日又書銘旌云身騎箕尾歸李光上虞人
天上氣作山河壯本朝遂不食死紹興中

以叅知政事斥秦檜懷奸誤國連謫瓊州安置居
八年移昌化軍怡然自適年踰八十精力不衰亭

臺扁詠多胡銓廬陵人高宗朝以樞密編修修疏
出其手諸新秦檜王倫編管新州後新州

守張栻許銓與客倡酌謗訕再謫
吉陽軍二十六年秦檜死乃得歸

列女漢珠崖二義珠崖令後妻及前妻女也女名初
年十三繼母連大珠以為繫臂令

死送喪歸法內珠入闕者死繼母棄之九歲兒取
置鏡奩中皆不知也及關侯索得珠問誰當坐初

曰初心惜之夫人不知也母亦曰此珠妾之繫臂
妾當坐關吏執筆書不能就乃曰母子有義如此

生之不忍後乃知九歲兒內焉唐符鳳妻字玉英鳳以罪徙儋州
至南海為獠賊所殺脇

玉英私之乃給賊請更衣有頃威服立元林友仁
於舟罵曰受賊辱不如死自沉於海

母李氏瓊山人年二十五而寡守節太定中海北
憲副阿刺表其門阿刺舊作阿刺今改

陳道安妻林氏文昌人至正十四年陳之瑚亂道
安為所殺林瘞其夫遂歿土哽咽

而絕韓良可二女其先相州人宋魏公琦之後子孫
有宦於瓊者為文昌人良可長女

年十八次女年十六至正二十一年賊攻韓氏寨
諸凡皆力戰死母遇害二女攜手投江而死蔡徵

為之傳贊唐栢壽女五妹瓊山人至正二十四年陳之
瑚寇乾寧五妹同從妹被執

至舟中私語其妹曰我必不免於辱汝小尚可求生乃給賊曰妾家破親亡將何之乞釋當永以相從賊然之解其縛即投江死時年十八

明賈岳妻程氏

瓊山人前所鎮撫凱之女

洪武中歸岳病篤而岳病篤程嚙指血誓以同死及岳卒程親視含殮夜沐浴整衣自縊年二十一

解縉為作傳

謝應昇妻韓氏

瓊山人年二十為海賊曾一本所擄罵賊死又同縣

許搗謙妻陶氏隆慶六年倭陷海口被獲不辱死同時有陶舜卿女金娘年十六亦罵賊死

馮

那有妻王氏

澄邁人嘉靖四十四年海寇至境其夫與眾拒之為賊所殺氏縊以殉

林有原妻李氏

澄邁人萬厯中為海寇所擄欲污之厲聲罵之令達殺竟被及死

黎邦佐妻王氏

樂會人夫溺死於流馬渡氏即往投水尋之知縣劉叔鰲為立旌烈

碑

張鵬翼妻史氏

萬州人夫死粵西喪歸之自縊
柩側又同邑紀欽明妻陳氏夫

死自縊鄉人高

其烈合葬之

程瑛妻程氏

定安人年二十喪夫
舉遺腹子託乳保撫

之慨然曰夫有子矣與其後死而
失節不如同穴之為愈遂自縊死

林繼統女淑溫

文昌人年十六受瓊山沈魴聘魴死女即日去櫛
哀慟會家寇掠其家挾至海脅之不從碎首而死
又同邑王高賓妻華氏萬歷二年為海寇林鳳所
執並其女年甫十六堅不從母女俱被殺又韓文
濬妻吳氏為海寇許萬載所
執觸石而死賊怒碎其屍

黎天注妻邢氏

文昌人天

注凡天池負官租府差潘六符宗達行拘值天池
天注皆他往六等窺邢姿拘之去至東坑投宿氏
以衣易油明燈達曙六等不敢近次日迫至宗達
家六乘夜遁之氏大罵不絕六懼去氏遂自縊事

聞旌表又同邑李七娘許字瓊山黃氏盜入其家
被執義不受辱齒舌求死賊知不可犯散去憤被
賊執遂自縊又吳世傑妻林氏歸始三月
夫死父母以家貧欲奪其志氏亦自縊

許希曾

妻李氏

臨高人被賊擄欲辱之抱柱大罵被殺又
馮啟妻楊氏亦為賊所擄楊方負幼子賊

先殺其子以脅之哭罵不屈死又謝某妻韓氏携
子歸寧母家并為寇劫給賊近其子當相從賊信
之及子行後遂急投江後其家夢氏持傘行
海畔次日求之果於破傘下獲尸顏色如生

溫瀾

妻陳氏

昌化人百戶榮女符蚺蛇作亂陳與三子
一子俱被執厲聲罵賊曰我名家女婦豈

豈受污犬豕奪刀先殺其女遂自刎時同邑張與
夫孫廣學俱被掠賊欲置張他所張正色曰即死
吾夫婦惟一處死賊殺其夫

林維翰妻陳氏

儋州人嘉

張抱屍罵不絕口亦被殺

靖中維翰鄉試卒於省陳聞晝夜號哭比喪至自
縊死時年十九又林任重妻范氏年二十二夫亡
守節隆慶末為叛兵知
去范奮罵不辱為所殺李氏女崖州人許字馮氏
子夫死詣夫室自
縊父母憫之合葬焉又同邑邱鼓子妻湯氏夫死
絕粒數日罄家貲葬畢亦自縊以殉郡志又載會
同人彭裕妻馮氏亦
夫死自縊以殉者

本朝王昌言妻馮氏

定安人順治六年昌言以廩生
會師擊賊陣亡舉家為擄陳紹

賊釋其姑及子度已去遠罵賊而死又邢光楊妻
林氏文昌人年二十而寡遺孤甫二歲撫之成立

順治十年潘賊行劫執其
子殺之林罵賊並遇害

王紹震妻黃氏

澄邁人
順治十

一年為黎寇所掠誓死不從賊起斷兩脛洞胸而
死又吳奮沫妻李氏年二十黎寇劫得將污之堅

執不從亦遇害又李是楫妻吳氏年
二十二被賊擄至陽橋躍入河死
程演妻韋氏

定安人為黎所擄鴈聲大罵
遇害屍暴三日顏色如生
許定斌妻雲氏
文昌人康熙

熙十二年為海賊所掠欲污之投海而死又邱紹
蘭妻王氏澄邁人康熙二十年海寇掠之使行王

罵賊被殺同時有曾相國妻
陳氏亦為賊所執不屈死
王家瑛妻陳氏
臨高農家

女許字諸生王家瑛家瑛早夭門閨服縞素往索
家瑛故衣持之遂不食死又符旺妻賴氏文昌人

旺卒一
慟而絕
蕭士彥妻慕容氏
崖州人年十八夫死截髮自誓撫孤子成立順

治十四年

旌表

仙釋宋白玉蟾

字如晦本葛長庚變姓名世為閩人
以祖任瓊州而生自號海瓊子好飲

不見其醉博洽羣書作文未嘗起草善篆隸妙寫梅竹能入水不溺竟莫知所終所撰有羅浮山志

並詩集

行於世

土產金

唐書地理志瓊州崖州振州儋州萬安州貢金案宇記新崖州貢金華金有華采者銀

唐書地理志崖州貢銀珠

州萬安州貢銀珠

玳瑁唐書地理志

明統志崖州

蜜臘案宇記

布唐書地理志振州貢

吉貝鹽唐書地理志瓊山

木案宇記瓊州儋州皆

志各州縣俱出土蘇木紅豆木黃楊木

藤唐書地

又儋萬崖三州花黎木萬州出烏木

理志振

州貢五色藤盤出崖州案宇記瓊州

檳榔宋史地

儋州產白藤花明統志崖州出藤

理志瓊

州貢椰子與地紀勝樹似檳榔葉似鳳尾吉陽所產為上明統志諸州縣皆出文昌者為上

棋子

寰宇記舊崖州出

香

寰宇記瓊州出煎沉香黃熟香儋州產煎沉香出深峒與地紀

勝萬安軍出沉香一兩之直與白金等明統志崖州萬州及瓊山定安臨高等縣出沉香又出黃連

等香海漆

與地紀勝海南有野花如芍藥土人目為割粘子漬以為膠可代柿油東坡名之曰

海漆明統志瓊山縣出

瓊枝

與地紀勝出樂會縣海岸明統志文昌樂會會同三縣出一名

石花菜

波羅蜜果

與地紀勝瓊州出大如藥斗剖之若蜜其香滿室

高良姜並智子乾梔木儋州產高良姜相思子舊崖州產紫貝葉

欽定大清一統志卷三百五十


周


周

周

周

羅定州圖





羅定州表

兩漢

三國吳晉

晉康郡地

蒼梧郡地
縣地

羅定州

宋

齊梁陳隋

唐

五代

宋

元

明

廣熙郡 永熙郡

龍州開陽

龍州

開寶六年廢

齊置梁改 初廢郡大

郡

屬南漢

廢

置平原郡 梁初改龍

武德四年

屬南漢

廢

康永熙郡

復置龍州

屬南漢

天寶元年

改為開陽

龍縣 龍水縣

龍水縣

龍水縣

龍水縣

郡治攝政 開皇十八

龍水縣

龍水縣

龍水縣

置平原縣 年更名

龍水縣

龍水縣

龍水縣

為州郡治 郡治

建水縣

建水縣

建水縣

永熙縣 永熙縣

建水縣

建水縣

建水縣

屬廣熙郡 屬永熙郡

武德五年

更名永寧

仍屬龍州

龍縣

羅定州

屬德慶路

初屬德慶

大德八年

州為歷四

移治

年改置直

隸廣東布

政使司

東安縣

屬路高涼
三縣地

晉康郡地

安遠縣

元嘉中置
屬晉康州

安遠縣

梁置建州
屬康郡
縣

安遠縣

初為郡屬
屬康郡

晉康縣

武德四年
置屬南建
州貞觀八
年更名樂
州十八年

晉康縣

開寶五年
省入瑞路

德慶路地

東安縣

萬曆五年
析德慶州
及新興縣
地置屬縣
定州

大阮縣

晉永昌屬
晉康郡

扶阮縣

後廢

梁置開陽
郡開陽縣

初廢郡大
業初廢縣

開陽縣

開陽縣

開寶六年
省

武德四年
復置屬龍
水

舊置安南
縣大業初
廢入永熙
縣

鎮南縣

鎮南縣

開寶六年
省

入寶初又
改名

縣

武德四年
復置安南
縣屬潯州
至德二年
更名

西寧縣

端縣地

都城縣

晉置屬晉
康郡

都城縣

都城縣

晉康縣

都城縣

屬魏郡

都城縣

屬秦州

都城縣

開寶五年
省

郡置羅陽

初廢郡為
縣開皇十
八年更名

正義入
初省入龍
水

開元十八
年又置勤
州治北乾
元初州後
縣屬

富林縣

富林縣

開寶五年
省

永順縣
武德四年
析新興置
屬新州

永順縣

開寶五年
省入新興

西寧縣

萬曆五年
置屬羅陽
州

縣移治後

廢

威城縣

開皇十二
年省

郡治

晉化縣

晉化縣

開皇十二
年省

屬晉化縣

梁置梁德
郡梁德縣

懷德縣

開皇十八
年省

更名屬水

縣郡

懷德縣

開寶五年
省